



## Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ  
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial  
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով  
ձևափոխել կամ օգտագործել առկա նյութը ստեղծելու համար նորը

You are free to:


**Share** — copy and redistribute the material in any medium or format

**Adapt** — remix, transform, and build upon the material

205

n-46

1978



ՈՍԿԵԳԻՐԻՔ

ՀՐԱՀԱՆԳ ԽՈՆՍՐՀՈՒԹԵԱՆ

205  
n-46

200  
2608-00

ՈՍԿԵԳԻՐԲ

ՀՐԱՀԱՆԳ

ԽՈՆԱՐՀՈՒԹԵԱՆ

Ի ԳՆԱՑՍ ԿԱՏԱՐԵԼՈՒԹԵԱՆ

1004  
19443  
4001



ՄԻԹԱՐԵԱՆ  
Ի Ս. ԳՐԱԳՐ

1878

878

7. XI 1922

7. XI 1922

7. XI 1922

ՀԱՅԿԱՍՏԱՆԻ ԳՐԱԳՐԱԿԱՆ  
ԿԵՆՏՐԱԼՆԱԿԱՐԳԱՆՈՒԹՅԱՆ  
ԿԱՏԱՐԱԿԱՆ ԿԵՆՏՐՈՆ  
ՎԵՐՈՒՄ ԿՆԱԿԻ  
ՎԵՐՈՒՄ ԿՆԱԿԻ  
ՎԵՐՈՒՄ ԿՆԱԿԻ

90527-60

~~36933 ա. հ.~~

258-42

ԱՐ

ՅԱՌԱՋԱԲԱՆ

Գրքոյկս՝ զոր կամ ինքն իսկ բարեա-  
ցապարտ և հոգեկիր հեղինակն՝ Սանս  
ժիանձն բենեդիկտեան (Dom Sans de  
Sainte-Catherine), և կամ առաջին հրա-  
տարակողն՝ վկայեաց և անուանեաց Ոս-  
կեգիրս, 'ի փոքու քանակին՝ ուղղալից  
օծութեամբն զմեծահատոր աստուա-  
ծախօս և հոգեշահ մատենից շնորհ զտե-  
ղի, արժանաւոր դատի և դասի ընդ ա-  
ւետարանական մարգարիտան. զոր ի-  
մաստուն խնդրակք երկնավայելուչ վա-  
ճառուց՝ ոչ վեհերին փոխանակել ընդ  
բազմամթեր գոյից իմաստից. քանզի և  
ճառեալն 'ի սմա արդարև մարգարիտ է  
մարգարտաց. զոր միայն խորէջն աս-

տուածային՝ խոնարհեալ յանդունդս  
ծովածուփ կենցաղոյս՝ բաւեաց վերբե-  
րեւ, 'ի հիացումն երկնից և 'ի փրկու-  
թիւն աշխարհի: Աւելորդ է յերկարել  
զբանս 'ի գովեստ սփերիս. զոր թէ և  
չափաւոր ողջմտութեամբ ոք սակաւիկ  
մի ընթեռնուցու՝ 'ի միտ առցէ. վասն  
այնորիկ և յաճախեաց 'ի ձեռս բարե-  
պաշտից բազում անգամ տպագրու-  
թեամբ 'ի բնիկ փռանկ լեզու և 'ի  
թարգմանութիւնս. որպէս և 'ի մերս  
աշխարհիկ ոճ յեղեալ երբեմն յայլոց,  
յայժմուս սիրողացն զգրոցս բարբառ՝  
ընձեռն յօգուտ հոգևոր. այլ շնոր-  
հիւ նորին ինքնավիայ ամենևին Հեզոյն  
և Խոնարհի, առանց որոյ ոչ ումեք է  
կարելի ըմբռնել զայս մարգարիտ առ-  
ձեռնպատրաստ, և ոչ իմանալ ճշմար-  
տապէս և արդիւնապէս զայս դիւրիմաց  
Ոսկեգիրքս, զայս իբս չքնաղ, որ ծած-

կեալն է յիմաստնոց և 'ի գիտնոց աշ-  
խարհի, և յայտնի գերաշխարհիկն սը-  
ղայոց: Երանի՛ այնպիսեաց տղայացե-  
լոց 'ի Քրիստոս. բիւր երանի մանա-  
ւանդ որոց 'ի կանուխ արեց ցալեւոյթ  
և ցկատարած հասակի՝ մանկաբար դը-  
գուին 'ի գիրկան գերունակս, և տակա-  
ւին 'ի խինձս գողոյն ոչ ժամանեն. այլ  
որչափ 'ի ներքս խաղան և իջանեն՝ այն-  
չափ և խորք խորոց Քրիստոսի կարգան  
և անճառելեօք հնչեցուցանեն զականջս  
հոգւոյն. որ և առաւել անչափելի գը-  
տանէ զԱստուած 'ի խոնարհութեան  
իւրում քան 'ի բարձրութեանն. և  
խոստովանի՝ ոչ այլով իւրիք հնար ին-  
քեան վերբերել առ նոյն՝ բայց՝ միայն  
խոնարհութեամբ. և ոչ իւրայորիւ լը-  
կով՝ այլ նորին ինքեան Աստուածա-  
մարդոյն նախագաղափար ամենակա-  
տար և ամենալցոյց խոնարհութեամբ:

Հ Ր Ա Հ Ա Ն Գ

Խ Ո Ն Ա Ր Հ Ո Ի Թ Ե Ա Ն

---

«Չխոնարհս հոգւով կեցոռցաւե» Տէր:

Սաղմ. 1Գ. 18:

1. **Ճ**մարտութիւն է աներկբայ և անյեղ լինելով էթէ փակեալ են գրունք ու զորմութեանն և արքայութեանն Աստուծոյ ընդդէմ հպարտից, և զի զխոնարհս և էթ ընդունի Տէր առ ինքն: Ուսուցանեն մեզ գիրք սուրբք, էթէ Տէր հակառակ կայ ամբարտաւանից, խոնարհեցուցանէ զբարձրացեալսն. էթէ, հարկ է լինել իբրև զմանկունս փոքրիկունս առ ՚ի մտանել ՚ի փառս իւր, և որք ոչն նմանիցին նոցա՝ արտաքոյ մնասցեն. և զի՝ տայ նա զչնորհս իւր հեղոց, և բարձր առնէ զխոնարհս: Եւ զի այս այսպէս է, հարկ է յամենայն զօրութենէ մտաց հաւանել, էթէ սպարո



և արժան է քրիստոնէի՝ փութոյ պըն-  
դուութեամբ կրթիլ 'ի խոնարհութիւնս .  
'ի բաց հանել 'ի սրտէ զամենայն ամ-  
պարհաւաճութիւն , զամենայն նան-  
րութիւն , զամենայն հպարտութիւն . և  
ոչ զմիով զանց առնել ճգամբ՝ առ 'ի  
յաջողէլ յամենասուրբ յայս ձեռնարկ :  
Եւ քանզի առանց աստուածային շնոր-  
հաց չէ այդմ բաւական , 'ի դէպ է նմա  
թախանձանօք խնդրել զայն , և խնդրել  
զօր ամենայն և յամենայն ժամու :

Ամենայն քրիստոնէայ 'ի մկրտութենէ  
անտի իւրմէ պարտականեալ է երթալ  
զկնի հետոցն Քրիստոսի . 'ի վերայ այ-  
դըր աստուածայնոյ գաղափարի պարտ  
է մեզ կերպաձևել զկեանս մեր . այն  
զի Աստուած մեր և փրկիչ այնքան խո-  
նարհեցոյց զանձն՝ մինչև լինել նախա-  
տինք և արհամարհանք մարդկան , առ  
'ի բժշկել զայտուցս և զվէրս հպար-  
տութեան մերոյ . ուսուցանելով մեզ  
իւրով օրինակաւ զմիակն ճանապարհ  
որ տանի յերկինս : — Եւ արդ , ո՛վ դու  
աշակերտեալք աստուածայնոյ վարդա-  
պետին , եթէ կամիցիս գնել զպատուա-

կանդ մարգարիտ՝ որ հաւաստագոյն  
դրաւական է սրբութեան , և յայտնա-  
գոյն նշանակ նախասահմանեալ փրկու-  
թեան , ընկալ համբոյր յօժարութեամբ  
զխրատքս զոր ընթեռնուս , և մտադիւր  
կրթեաց նօքլմբ :

2. Բաց զայս հոգւոյդ և տես , զի  
քոյովսան չունիս և ոչ մի բարի՝ ընդ որ  
կարիցես մեծամտել և սոնքանալ : Քո  
սեփական մթերք՝ են մեղք , ստուգութիւն  
և հիքութիւն . իսկ վասն ձրից որ 'ի  
քեզ՝ բնութեան և շնորհաց , քանզի  
յԱստուծոյ 'ի պատճառէ էութեան քո  
տուեալ են քեզ , նմա միայնոյ վայելեն  
գովութիւն և փառք : Վասն այսորիկ  
գուն գործեա զգալ և ճանաչել խորա-  
գոյնս զոչնչութիւն քո . և զնոյն իմաստ  
նուաստութեանդ երկնեա հանապազ  
'ի սրտի քում , յամօթ և 'ի կշտամբանս  
բանացելոյն 'ի քեզ հպարտութեան :

3. Հաւանեաց սրտի մտօք , եթէ չիք  
ինչ յաշխարհի սնտախ և բասրելի քան  
զկամելն մեծարոյ լինել վասն ձրից՝ որք  
չեն 'ի կամաց անձին , այլ յամենակն ա-  
զատ առտտապարզ և Արարէն յանօթ

տուեալք ընծայաբար. և «Եթէ առեր՛  
ղի՞ պարծիս իբրև զչսուեալ», (Ա.  
Վորնթ. 7.) և յանձնէ ինչ հայթ-  
հայթեալ:

4. Խորհեաց ստէպ և քննեա զքո  
տկարուածիւնդ, զկուրուածիւնդ, զվա-  
տուածիւն, զխստասրտուածիւն, զյող-  
դողդուածիւն կամաց, զհէշտասէր մեղ-  
կուածիւնդ, զանզգայուածիւն մտացդ  
յաստուածայինս, զհակամիտուածիւն  
առ արարածս, և զայլ ևս բազմապա-  
տիկ վատթար կիրս, որով աւլցեալ է  
բովանդակ բնուածիւն քո ապականեալ:  
Ապա զայսիսի սնեւելով հաւաստիս՝ իջո  
հանապազ զանձն քո ՚ի խոնարհ՝ և  
քան զոչինչն անգամ, և համարեսլիր  
չքեղ յաչս քո ամենևին փոքր ամենևին  
անարդ:

5. Մի երբեք մոռասցիս զմեղս քո  
անցեալս: Զմտաւ անջիր մանաւանդ  
զմեղս հպարտուածեան այնքան դարշէլի  
լինել՝ մինչև և ոչ միոյ այլոյ չարի հա-  
ւասարել նմա, ոչ ՚ի վերայ երկրի և ոչ  
՚ի դժոխս: Քանզի դա ապստամբեցոյց  
զհրեշտակս ՚ի յերկինս և խարգաւա-

նեաց ՚ի դժոխս. դա ապականեաց զա-  
մենայն ազգս մարդկան, և ան՝ ՚ի վերայ  
երկրի անթուելի աղէտս չարեաց՝ որք  
տևեացեն մինչև ՚ի կատարած աշխարհի,  
մանաւանդ թէ մինչև ՚ի յաւիտեանս:  
Յիշեա ընդ նմին, զի հոգի մեղօք աղտե-  
ղացեալ՝ միայն ատելուածեան, անար-  
գանաց և պատժոց է արժանի: Եւ ա-  
պա տես թէ որքան ինչ օրէն իցէ քեզ  
չուք դնել անձինդ, յետ այնքանեաց  
մեղանաց որովք պարտապան գտանիս:

6. Խորհեաց և զայս, զի չիք եղեան  
մեծ և անհեղեղ՝ զոր ոչ կարիցես գոր-  
ծել, և յոր ոչ յօժարեսցի բնուածիւն  
քո ապականեալ. և զի միայն ողորմու-  
թիւնքն Աստուծոյ և օգնականուածիւն  
չնորհաց նորին զգուշացուցին զքեզ  
ցարդ. ըստ գերահուցակ առածի Սրբոյն  
Օգոստինոսի, եթէ Ձիք մեղք գործեալ  
՚ի մարդոյ՝ զոր ոչ կարիցէ գործել և  
այլ մարդ, եթէ ոչ դացէ օգնուածիւն  
առ ՚ի յԱստուծոյ՝ որով եղևն մարդ:  
Ողբա ՚ի ներքուստ ՚ի վերայ այսքանոյ  
եղկելի պայմանի անձինդ. և աստուստ  
իմաստասիրեալ դիր հաստատուածեամբ

'ի մտի քում՝ ունեւ զքեզ միշտ 'ի կարգի վատթարագոյն մեղաւորաց:

7. Զմտաւ ածջիր ստէպ զմահն, զանխուսափելի եղծումն և քահառումն մարմնոյդ, զանաչառ ատեանն Քրիստոսի՝ որում անհրաժեշտ հարկ է յանդիման լինել, զտանջանս դժոխոց որ պատրաստեալ են չարաց, և մանաւանդ ամբարտաւանից նմանողաց արուսեկին անկելոյ: Յիւեա ամենայն զգաստութեամբ, զի եթէ անքնինք և անյայտք են դասաստանքն Աստուծոյ, չիք քեզ և ոչ մի հաւաստիք չլինելոյ 'ի թիւս մերժեցելոց, որք տանջիցին ընդ դիւաց 'ի յաւիտենական տանջանս անդ: Վասն սյուս անստուգութեան միայնոյ արժան էր քեզ կալ յանհնարին խոնարհութեան, և ծածկել զերեսս քո անխբացդնելի ամօթով և կորանօք:

8. Մի համարիցիս ստանալ երբեք զխոնարհութիւն՝ առանց պատշաճաւոր նմին կրթութեանց, որպիսիք են, քաղցրաբարութիւն, համբերութիւն, հնազանդութիւն, մեռելութիւնք, անձնութեան, ատելութիւն սեփական

կամաց և մտաց, խոստովանութիւն և ամօթխածութիւն ընդ սխալանսդ, և որ սոցին սակի: Այսու քակաի 'ի քեզ թագաւորութիւն անձնասիրութեան, արմատն անիծապարտ՝ յորմէ վերընձիւղին ամենայն չարիք քո, և 'ի վերքան զայլս անսուստ ամբառնան հպարտութիւնդ և ամբարհաւածութիւն:

9. Որքան և հնար է քո՝ կալ զքեզ 'ի լուութեան և յամբոյնման մտաց. այլ զգոյշ լեր չլինել դժուարամտոյց և նեղիչ այլոց: Եւ յորժամ հարկ լիցի քեզ խօսել՝ խօսեաց զգուշութեամբ և պարկեշտօրէն, և իբրու զանդիտելով իմն. հաւատարով ստուգապէս՝ եթէ չես դու արժանի ունկնդրութեան, և թէ՛ ոչ կարես բնաւ ասել ինչ բան բարեքիկ՝ որ իցէ արժանաւոր յուշի ունելոյ լսողացն առ 'ի քէն: Եւ եթէ յիւրաւի դէպ լիցի չսեւ նոցա քեզ՝ թէ՛ սկէտ արհամարհանօք թէ՛ սկէտ այլազգ, մի տայցես բնաւ դժկամակութեան ինչցոյց, այլ ուրախ լեր մտնաւանդ 'ի ներքուստ ընդ նուաստանալդ. հաւանեցո զանձն քո՝ եթէ են նոցա իրաւունք, և



ասան ցքեղ. Ո՛վ էմհես զի իշխեցից ընուլ զմիտս այլոց՝ իմոլք ինչ խելօք կամ ստեղծմամբք հանձարոյ իմոյ:

10. Մեծապէս փուլթոյ սնդուլթեամբ զգուշացիր յամենայն խորոխտ և ՚ի պերձական բանից. յամենայնէ՛ որ վաւագուլթեան կամ զճոխուլթեան ինչ բերցէ կերպարանս. որպիսի են ոճք աւոււեստակեալք, հիււք բանից պաճուլթեալք և մարմաշեցուցիչք: Մի ասեր բնաւ բան որ երևեցուցէ զքեզ այր կորովամիտ կամ պատուաւոր և մեծարեալ վարեալ ՚ի գործս կարևորս, և կամ ունակ այլոց ինչ ազնիւ ձրից: Միով բանիւ, մի երբեք խօսեսցիս զանձնէ, և մի ասիցես ինչ որ ՚ի պարծանս կամ ՚ի շահ անձինք իցէ:

11. Զբոյշ կաց դարձեալ ՚ի զրուցելք՝ ՚ի քաջադէպ հանձարաբանութեանց անտի և ՚ի հաճոյարար հնարագիւտ ասից, յամենայն կատակաբանութենէ, և զլիսովին յամենայն բանէ որ զաշխարհի հոտ ունիցի: Նաև ՚ի հոգևորան որ ՚ի զգուշութիւն և ՚ի խրատ են՝ մի ընիցիս շատախօս, բայց եթէ ՚ի

պարտուց պաշտամանն. Աս յառաջ քան զխօսելք՝ հարց զկարծից հմտիցն յերևն յայնմիկ, յորոց կարիցես աշխուշ լոյս և օգտիլ: Քանզի դաս այդպիսի սալ այլոց՝ ցոյցս բերէ գիտաստութեան և պայծառութեան մտաց, և փքացուցանէ զհպարտութիւն՝ որով վարակեալ է սիրտ մեր:

12. Փախիր, որքան և հնար է քեզ, յանուանեալն հետաքրքրութենէ. մի սիրեր տեսանել զկոչեցեալն աշխարհօրէն գեղեցիկս, շքեղս և սակաւգիւտս. մի փափադեր գիտել այլ ինչ քան զպատշաճեալն պարտուցք և վիճակի, և որ ինչ կարողն է ստատրել քեզ ՚ի կատարելութիւն անձին և ՚ի փրկութիւն:

13. Հանապազ և անվրէպ հատուցոյց զամենայն նշանակ մեծարանաց և յարգանաց, ոչ միայն առ վեհագոյնսն քան զքեզ՝ այլ և առ հաւասարս և առ ստորնագոյնս. և ել զնոքք ՚ի պատուագրութեան, ըստ բանից Առաքելոյն Պօղոսի. լեր յառաջադէմ ՚ի մատուցանել իւրաքանչիւր ումք զպարտս քաղա-

1001  
109-72503

քավարութեան՝ ըստ սահմանի սովորեալ հրահանգաց. և ջանա՛ աւելի ևս քան զոր պարտիսդ՝ հատուցանել ամենեցուն:

14. Ընարեա միշտ, ըստ խրատու Աւետարանին՝ զյետին և ստորին տեղին, և հաւատա առանց ինչ երկբայութեան՝ եթէ այն է քեզ անկ. և յամենայն պէտս կենաց կա՛լ քեզ զնուազ դիւրարարսն, իբրու քան զքնաւս փանաքի ելով քո. և հաւանեաց, թէ յամենայն իրս լաւագոյնքն՝ ի ճահ են այլոց ամենեցուն, իսկ քեզ՝ դուզնաքեայն. վասն զի յոյժ անարժան ես. և փափագեաց յամենայն սրտէ՛ զի եղիցի քեզ այսպէս յամենայն դէպս:

15. Յորժամ զուրկ զքեզ գտանիցես յերկրաւոր սփոփանաց և ՚ի հոգևոր մսիթարութեանց, հաւատա հաստատութեամբ՝ եթէ տակաւին շատ են քեզ զոր ունիսդ, և աւելի քան զարժանն քո. և գոհացիր՝ ՚ի կարօտութեան քում:

16. Մի՛ դագարիր երբեք յամբաստանելոյ զանձնդ, ՚ի կշտամբելոյ և ՚ի

դատապարտելոյ: Ա՛րկ ընդ անաչառ դատաստանաւ և քննութեամբ զամենայն գործս քո՝ իբրև վարակեալս ամենազան թերութեամբք և անդուլ սագրանօք անձնասիրութեան: Ստէպ խոտեալ անարդեա զգնացս բարուցդ, վասն պակասելոյ՝ ՚ի գործոց քոց խոհեմութեան, պարզութեան և մաքրութեան սրտի: Լեր մշտադատ քննիչ անձին քում, և մի երբեք ներեր քեզ: Անարդ վարկանել զանձն և հանապազ մեղադիր լինել ինքեան՝ ճշմարիտ աղբերք են խոնարհութեան և կատարելութեան քրիստոնէականի:

17. Հաւանեաց սրտի մտօք եթէ վասն անհեղեղ մեծութեան յանցանաց քոց և գարշութեան եղբրանցդ զզուելի ես ամենայն աշխարհի. քանզի ստոյգ է ամենեւիմբ՝ եթէ մեղք առաւել զաղբացանեն զհոգի առաջի Աստուծոյ, և կարող են զզուեցուցանել զմարդիկ առաւել քան զերր նեխեալ դիականց առաջի աչաց մերոց: Զայս խորհելով՝ զարմասցիս՝ թէ զիարդ հանդուրժեն քեզ ցայդ վայր մնալ յաշխարհի, և

զիւարդ ոչ հալածեն զքեզ 'ի միջոյ մարդկան՝ որպէս զժանտ ախտիւ վարակեալ:

18. Զգոյշ լէր որպէս 'ի չարէ մեծէ յոյժ՝ 'ի դատելոյ զայլս որով և է օրինակաւ. նա մանաւանդ ջանա 'ի բարի մեկնել զամենայն բանս և զգործս նոցա. որոնեաջիւր և հնարեաջիւր ճարտարութեամբ գթոյ՝ բարուրս անմեղադրութեան և պաշտպանութեան, և լէր բարեխօս իմն ընկերի քում: Եւ եթէ չիցէ մարթ այգամ այդպէս լինել՝ վասն յայտնապէս ծանակ կալոյ չարին գործեցելոյ, տակաւին անմեղադիր լէր՝ որ չափ 'ի կարի քում է, յանդգուշութիւն ինչ նորին արկանելով զիշտան կամ 'ի յանկարծահաս դէպս, կամ 'ի բռնութիւն փորձութեանն և 'ի մտխանս հրապուրանաց, և կամ յայլ որ ինչ սոցին նման պատճառս. կամ գէթ հրաժարեցո զմիտոսդ 'ի խորհելոյ յայն՝ բայց եթէ 'ի հարկէ վիճակիդ ստիպիցիս դարման տանել իրացն: Այս ևս կրթութիւն առատաբուղիս աղբիւր է ճշմարիտ խնարհութեան:

19. Սովորութիւն արա քեզ մի ումեք

ընդդիմաբանել 'ի խօսակցութիւնս, յորժամ ինդիրք իցեն զիրաց զոր մարթիցէ ձգել և յայս և յայն կողմն: Մի վիճեք ջերմաջերմն սնդութեամբ, այլ տուր տեղի՝ յորժամ անընդունակ լիցին քո կարծիքդ, և կայ 'ի Խոնարհական լուծեան: Այսպէս արա և յիրս դուզնաքեայս, թէպէտև դիտիցես ըստուգիւ եթէ չէ ճշմարիտ զոր այլք այնպէս սնդեն լինել: Իսկ 'ի դէպս յորս պարտք են պաշտպան կալ ճշմարտութեան՝ արաջիւր առանց բողբոլոյ 'ի ցատումն և երգիծանելոյ. դիւրագոյն համոզկեր լիցիս քաղցրութեամբ՝ քան ուժգնութեամբ և բարկութեամբ:

20. Ի վեր քան զամենայն գուն գործեա չտրամեցուցանել զընկեր քո, որ քան և ստորնագոյն քան զքեզ իցէ, մի բանիւ և մի դործով, և մի վարմամբ գնացից ընդ նմա. մի տացես երբեք նմա պատճառ վշտանալոյ, բայց եթէ բռնադատիցիս 'ի պարտուց կամ 'ի հնազանդութենէ և 'ի սիրոյ. քանզի արամեցուցանել զընկերն՝ զՔրիստոս է տրտմեցուցանել, որ ինքեան համարի արա-

րեալ՝ զոր ինչ ոք և ընդ կրօնաբարոյնն յիւրայոցն առնիցէ :

21. Եթէ արասցէ ինչ ոք քեզ մնաս կամ նախատինս, որ զինչ և է, մի ակն կալցես սարջանալոյ նորա և գալոյ խընդրել 'ի քէն ներումն. այլ որպէս թէ ոչ գու իցես որ զըկեցարն՝ յառաջեա քան զնա խոնարհութեամբ հայցել ներումն թողութեան վասն առթին զոր ետուրդ նմա՝ գրգռելով. և զնա անմեղադիր առնելով՝ զքեզ ինքն կացո պարտական ամենայն մնաստուն :

22. Եթէ գտցի ոք որ յաւէտ նեղիցէ զքեզ, և խորթ իցէ զկէցուցանել յամենայն դէպս՝ նախատանօք, արհամարհութեամբք, զըսարտութեամբք, և այլ որ և է օրինակաւ, համարեա զնա գործի 'ի ձեռս Աստուծոյ, և մարդ՝ որով անբաւ ողորմութիւն նորա կամիցի բուժել զհոգի քո 'ի հնացեալ վիրաց հըսարտութեանդ. սիրեսցիր զնա որպէս բարեացապարտ մեծ :

23. Բարկութիւն՝ քանզի անձահ և անտանելի է, մանաւանդ յանձինս բարեպաշտօնս, և զի 'ի հպարտութենէ

անտի մերմէ յառաջ գայ գլխովին այդ ախտ, գուց գործեա զդէմ ունել նմին մեծաւ անգորրութեամբ ոգւոյ և քաղցրութեամբ. մինչ զի և 'ի նախատիլ բուժ յայլմէ, որքան և դառն իցեն նախատինքն՝ ոչ թէ միայն մի զայրասցիս, այլ և երթիցես խոնարհութեամբ յողոք անկանել՝ զի ներող լիցի քեզ :

24. Համբերութեամբ և արդահատութեամբ տար թերութեան և տկարութեան այլոց, բայց մի համարիր թէ անկ իցէ և այլոց նովին օրինակաւ արգահատել քեզ. այլ մանաւանդ համարեաց թէ վասն քո չեն շատ ամենայն խստութիւնք նոցա, և թէ յանցանք քո չեն արժանի ներելոյ ողորմութեան :

25. Եթէ երախտապարտ զոք կացուցեր, թէպէտ և մեծամեծ բարիս և շնորհս առնելով, մի ակն կալեալ մնար փոխարինի առ 'ի նմանէ կամ շնորհակալութեան, կամ բարիս ընդ բարւոյ քեզ հատուցանելոյ. այլ ասա յայնժամ. Ես զոր պարան էր առնել արարի. և նա կարէ առանց ինչ ընդ բանս ածելոյ՝ չհամարել զիս երախտագործ

կամ մեծարելի, զի անարժան եմ ես:

26. Խոնարհեցո զանձն քո առհասարակ յամենայն դէպս, այլ առաւել առ այնոսիկ յորոց խորշինն և գարշիս, և մի ասացես որպէս ասեն ոմանք. Չատեամ ինչ ես զնա, այլ ոչ հանդուրժեմ լինել ընդ նմա: Ի հսկարտութենէ անտի ծագէ դժկամակութիւնդ, և 'ի չնուածելոյ՝ օգնականութեամբ վերին շնորհացն՝ զընդաբոյս գոռողութիւնն և զինքնասիրութիւն. զի եթէ անձնատուրք լինէին յազդմունս շնորհացն, շիջանէր 'ի նոսա զզուանքն զոր զգային՝ ճշմարիտ խոնարհութեամբ, և կարողք լինէին տանել ամենայն դժուարհամբոյր և սոպա բարուց. տի նա, յօժարեցուցանէին զնոսա շնորհքն յաճախել իսկ առ այնպիսի մարդիկ, վասն հոգևոր օգտին և վարձուց արժանի լինելոյ:

27. Թոյլ տուր 'ի սրտէ ամենեցուն զնելքեզ զամենայն նախատինս և անարգանս. այլ քեզ մի համարիցիս ներելի հատուցանել փոխարէն՝ բայց զբարեկամութիւն և զմեծարանս, և միանգամայն զամենայն բարիս, վասն չա-

րեացն զոր ընդունիցիս, որպէս ասէ Առաքեալն. Յաղթել բարեաւն՝ չարին:

28. Մի բացցես երբէք զբերան քո՝ ի տրտունջ զումբէ, զոր և է ընկալեալ փնաս կամ զրկանս, կամ որպիսի և է չարակամութեան հանդիպեալ. հաւանեաց, եթէ ոչ է հնար առնել քեզ փնաս՝ առաւել քան զստուհասան՝ որում արժանի էիր:

29. Յամենայն 'ի փորձութիւնս և 'ի վիշտս որ թէ պատահիցին քեզ, յօժարութեամբ և խնդութեամբ տար ներութեանցդ, յիշելով զի արժանի ես դոցին, նա և առաւելագունի քան զայդ, և անարժան ամենայն մխիթարութեց: Մի փափագեր զերծանել 'ի նոցանէ, բայց եթէ ակներև տեսանելով զլուսնգ զթելոյ և մեղանչելոյ առ Աստուած: Մի և դիւրելոյ իսկ վշտացդ հետամուտ լիցիս, մանաւանդ յորժամ 'ի վերայ հասցես եթէ Աստուած առաքէ զգոսին առ 'ի խոնարհեցուցանել զքեզ և բժշկել զգոռողութիւն և զամբարտաւանութիւն ողորդ. այլ ասաջիր ընդ արքունական մարգարէին. « Բարի է զի



խոնարհ արարելը զիս, որպէս զի ուսայց զարդարութիւնս քո »:

30. Որքան և հնար է՝ մի յայտներ զթէթև վիշտս և ցաւս զոր կրես. զոր օրինակ, զքաղց, զծարաւ, զտօթ և զցուրտ, զցաւ գլխոյ, և զայլ այսպիսի անհանդատութիւնս, բայց եթէ առ հարկէ ծանուցանելոյ՝ ի պահեստ կէնաց և ի դարման առողջութեան:

31. Փախիր ՚ի հասարակի յամենայն շքեզ պաշտամանց և ՚ի փառաւոր բարձից, այլ և խնամով խնդրեա զանարգագոյնսն, եթէ ոչ կամքն Աստուծոյ կոչեսցեն զքեզ յաւագագոյնս. այլ մի՛ հրաժարիցիս և յայնժամ՝ ըստ օրինակի փառասիրացն, որպէս զի առաւել ևս թախանձանօք հրաւիրեսցիս, և բռնադատութեամբ իմն ընդունիցիս, կամ սնոտի սանձանօք, կամ առ լաւ և գովելի համարելոյ: Փախիր յայդցանէ սոսկապէս. գիտելով ճմարտապէս զանարդութիւն և զտկարութիւն անձինդ, և ստոյգ սիրով սրբոյ խոնարհութեան:

32. Այսու մտօք՝ մի գարշիր և յուտեստ՝ ՚ի խոշոր և յանսպաճոյճ կերա-

կրոց՝ որ քո առաջի դնիցին. այլ արա ըստ օրինակի աղքատաց և մոռացկաց՝ որք յօժարութեամբ ուտեն առ դրան տանց զյաւելուածս և զխոտանս զոր տան նոցա, և բարբաղդիկս իսկ համարին զանձինս՝ զի գտին զայն:

33. Եթէ յանդիմանիցիս երբեք յանիրաւի կամ դատիցիս վասն գործոց քոց, նաև ՚ի ստորնագունիցն քան ըզքեզ, կամ յայնպիսեաց որք յոյժ առաւել քան զքեզ յանդիմանելիք իցեն և յիրս կարևորս յանցուցեալք, մի՛ վասն արդոցիկ անարդեր զևրասն և բրդիր ՚ի բարկութիւն. այլ և փոխանակ ՚ի չքմեղս լինելոյ՝ ձայնակից լեր նմա ընդդէմ քո անձինդ, և օգնեա նմա ՚ի քաջիկ ևս ցուցանել զքեզ արժանի անարգանաց և խոտելոյ. քան միայն եթէ գայթակղութեան վտանգ կայցէ ընկերիդ՝ ՚ի կարծեցեալ սխալանաց քոց, կամ թէ յայտնապէս միաս ինչ հասցէ նմա: Հաստատեա ՚ի սրտի քում՝ արդար և իրաւացի լինել զկշտամբանսն զոր լուար. հաւանեաց, եթէ կան միշտ ՚ի քեզ թերութիւնք՝ որ դիւրագոյնք են

յերևելք քան 'ի յայտնել, և վասն արկարուծեան քո տակաւին ծածկեն առաւելքան զկէսն: Այսու յառաջեսցես երազ երազ յուղլուծեան խոնարհութեան, զերծանելով 'ի բազում վտանգաց. քանզի միշտ հպարտութեան և ամբարհաւաճութեան մթերք են զանձն 'ի չքմեղս կացուցանելն և մեղադրելն զայլոց դատաստան:

34. Մեծ հնարք են 'ի ստացումն խոնարհութեան՝ չփափագելն յաչս մտանել և սիրիլ ընտրութեամբ յուժեքէ: Քանզի չէ մարթ հոգւոյ սիրել ինչ զոր ոչ մեծարիցէ, յայտ է թէ սիրելի լինել և յարգոյ լինել՝ անբաժան կցորդութիւն ունին, և անմարթ է զմին կամել և զմիւսն ոչ: Արդ եթէ ճմարտապէս փափագելով զարգանալ 'ի խոնարհութեան՝ չկամիցիս արգոյ համարիլ յաչս այլոց, ապա մի խնդրեր և հաճոյ լինել սրտից նոցա: Մեծամեծ շահս գացես այսու. քանզի, նախ, հոգի քո չցանկանալով ընտանութեան արարածոց՝ երթիցէ հանգչել 'ի սրբազան վերս Փրկչին իւրոյ. 'ի պաշտելի սրտի անդ

նորուն գացէ զանդորր անբացատրելի գոհութեան. քանզի առ սէր նորին յոժարութեամբ հրաժարելով յամենայն մարդկեղէն սրտից՝ կարող լիցի ընդունել առատապէս զմեղրահոսան ծորանս աստուածային մխիթարութեանցն, յորոց վրէպ դտանիւր՝ եթէ 'ի մարդկային սփոփանս զակատեալ լինէր. զի մխիթարութիւնք աստուածայինք այնքան մաքուրք են և փափուկք՝ մինչև գրեթէ անխառն գոլ յօտարէ, և ոչ լինին տուեալ մարդոյ՝ բայց ըստ չափու ուծանալոյ նորին 'ի փափկութեանց կենցաղոյս. այն զի և ճահագոյն է ամփոփել յԱստուած՝ միանալով ընդ նմին խոկմամբ յանդիմանակացութեան նորին և անսահման կատարելութեանցն: Դարձեալ, որպէս չէք ինչ քաղցր քան զսիրիլն յայլոց, յորժամ վասն Աստուծոյ հրաժարիցես 'ի քաղցրութենէ սրտի, զի մի օտար ինչ բաժանակից լիցի սիրոյ սրտիդ որ առ Աստուած, եղիցի այն պատարագ անուշահոտ և յոյժ շահաւետ քեզ: Եւ մի զանդիտեսցես, թէ գուցէ կրթութիւնդ այդ

ցրտացուցե 'ի քեզ զսէրն որ առ ընկերն. նա մանաւանդ սիրեսցես զնա մաքրագոյն ևս գործով և կատարելագոյն սիրով. իբրու զի ոչ առ օգտի սիրոյ անձինդ յայն բերիս՝ այլ միայն վասն Աստուծոյ հաճոյ լինելոյ՝ գործելով զոր նայն ասործէ:

35. Չամենայն զոր և առնիցես, զփոքունս անգամ, արա քաջ ուշի ուշով, անթերի և առանց իրիք զանցառութեան. քանզի ամբարտաւանութեան է գործելն 'ի հարեանցի և յապուրակի: Որ արդարև խոնարհն է՝ հանապազ զգուշութեամբ գործէ, և երկնչի 'ի վրիպելոյ և 'ի մանունս անգամ: Յայս սակս նախամեծար գրեթէ զկրթութիւն յոյժ սովորական բարեպաշտութեանց. և 'ի հասարակի, զգուշացիր 'ի տարօրինակ գործոց՝ յոր թերևս հրապուրեսցես զքեզ բերումն բարուցդ. քանզի որպէս հպարտութիւն սիրէ եզական երեւել, հաճի և խոնարհութիւն ընդ հասարակացն և ընդ սովորական գործս:

36. Հաւանեաց, թէ չլիք քեզ խորհրդ

զական նենդապատիր և խիթալի քան թէ դու ինքեանդ, և զանգիտելով զգուշացիր յամենայն քո սեփական իմացուածոց՝ իբրու յառաջ եկելոց 'ի մթերից կուրութեան և ապականութեան: Այլ և հաւատա, թէ զոր և զքէն խորհիս կամ կարծես՝ արժան է ընդ քննութեամբ այլոց արկանել. վասն այսորիկ որքան և մարթ է՝ զխորհուրդս և զիղձս քո արկ ընդ դատաստանաւ այլոյ ուրուք, և մի առանց խորհրդակցութեան ընդ այլում՝ բուռն հարցես զիմեքէ: Եւ եթէ դէսլ իսկ լիցի խրատու այլոց ոչ քան զքոյն բարուք լինել, եթէ չգուցէ 'ի նմին խիթ մեղաց կամ միասու այլում, նախապատուեա զայն քան զոր 'ի մտիդ ունէիր. զի մեծ յառաջագիմուութիւն խոնարհութեան է՝ զոհել զիւր ուրոյն խորհուրդ մտաց: Եւ փոխարէն ստասցիս անգործութիւն ներքին, որ լցցէ զթերութիւն կորստեանն ինչ որ 'ի փոքրաշահ խրատուէ անտի օտարին:

37. Յոր աստիճան շնորհաց և առաքինութեան և հասցես, որպիսի տուրս աղօթից և ունիցիս, և որքան երկար

ժամանակս և կեցեալ իցէ քո յանմեղու-  
թեան և 'ի բարեպաշտութեան, զնա  
միշտ երկիւղել, և մի երբեք յանձն լի-  
ցիս ապաստան, մանաւանդ 'ի մասին  
ողջախոհութեան: Յուշ լիցի քեզ զի  
կրես հանապաղ յանձին քում անսպառ  
մթերս խառնակութեան և անցամաքելի  
աղբիւր մեղաց. և զի ես միշտ տկար,  
յողդողջ և անհաւատարիմ: Վասն այ-  
սորիկ զդուշութեամբ հանդարտեաց  
յամենայն ժամ. խից փակեա զաչս և  
զականջս, զի մի անսցես և մի իմասցիս  
ինչ որ արատեսցէ զոգիգ. փախիր և 'ի  
փոքունց անգամ առթից վտանգաց.  
հրաժարեա յանօգուտ զրուցատրութե-  
նէ ընդ տարասեռի. և եթէ հարկ լիցի  
խօսել՝ կայ զուսպ և պարկեշտ յոյժ՝  
մինչև գրեաթէ 'ի խղճմտութիւն: Եւ  
քանզի քեզէն ինչ ոչ կարես առանց Աս-  
տուծոյ շնորհացն, աղաչեա հանապաղ  
զերեսս նորա ողորմել քեզ, և մի թո-  
ղուլ յօգնականութենէ և ոչ մի վայր-  
կեան:

38. Որպիսի տաղանդ հանձարոյ և  
իցէ քո ընկալեալ 'ի վերուստ, և որպի-

սի վարկ համբաւոյ, դու հանապաղ  
հաստատուութեամբ պինդ կալ՝ որպէս 'ի  
փորձոյ՝ զճանօթութիւն և զգիտա-  
կցութիւն տկարութեան, անբաւակա-  
նութեան և ոչնչութեան քո: Փոքրը-  
կացիր քան զմանկտի փոքրիկ անգամ.  
դժուարացիր ընդ գովութիւն տուեալ  
քեզ, և հրաժարեա 'ի պատուոյ որ  
քեզ մատուցանիցի: Զարմացիր ընդ  
պարզմտութիւն նոցա՝ որոց շացեալ  
իմն 'ի սնոտի փայմանէն զոր տեսցեն 'ի  
քեզ՝ դիցեն քեզ շուք որում չես ար-  
ժանի, և գողջիր իմն թէ ծաղր առնի-  
ցեն զքեզ: Իսկ եթէ գտցի ոք որ ոչ ա-  
ւեալ ակն յարդեանց քոց՝ խնդրիցէ  
մանաւանդ ընդ վայր հարկանել զքեզ  
յամենայն դէպս, կայջիր զնա իբրև քաջ  
կռադատ, և ասա. Իա լաւ քան զա-  
մենայն մարդիկ ճանաչէ զիս. պաշտօն  
տար նմա՝ եթէ կարես. և հաւատա զնա  
արդարև օգտակարագոյն հոգւոյ քում՝  
քան զմատուցողան քեզ մեծարանս, ո-  
րոց չես արժանի: Եւ 'ի վերայ այսո-  
ցիկ մի կարծիցես խոնարհութիւն ինչ  
լինել զայդ՝ այլ արդարութիւն և ճշ-  
մարտութիւն:

39. Եթէ հասցեն քեզ զրկանք մեծք կամ ծանր զզուանք, մի յիշեր զանձն յորմէ վնասեցարդ, այլ ամբարձ պաշս քո յերկինս և նկատեաց զԱստուած, որ տեսչութեամբն այսպէս հաճեցաւ առնել ընդ քեզ, կամ առ 'ի քաւել զյանցանս քո, կամ առ 'ի մերժել 'ի քէն զոգի հպարտութեան, տալով քեզ առիթ կրթանաց 'ի համբերութեան և 'ի խոնարհութեան: Եւ եթէ ասիցեն խորհուրդք քո, եթէ՛ Աստուած վասն հայրական սիրոյն թոյլ ետ այդպէս չարաչար վարիլ ընդ քեզ, բայց մարդն՝ յորոյ ձեռն եղև քեզ այդ՝ ոչ նովին մտօք արար զոր արարն, այլ քինու և ատելութեամբ, 'ի բաց թօթափեա իսպառ զմտածութիւնդ զայդ. զի Աստուծոյ միայն է ընթեանուլ զխորս սրտի և քննել զգաղանիս խորհրդոց մարդկան:

40. Եթէ դործ ինչ գթութեան արասցես ընկերի քում, զոր օրինակ, պատել զվէրս կամ դարման տանել հիւանդի, և որ սոցին նման, թէպէտ և բազում աշխատութիւնք իցեն քո և յոյժ տառապեալ իցես վասն սիրոյն

Աստուծոյ, մի համարիր արարեալ սեր, այլ մանաւանդ համողակեր լեր անձինդ և դիր 'ի մտի՛ եթէ դու ընկալար սեր. և ասա ցանձն քո. Պատիւ մեծ է ինձ պաշտօնս այս՝ որում չէի բնաւ արժանի: Որ ճմարտիւ խոնարհն է՛ բարեւարս ինքեան համարի զորս հաճինն ընդունել սպաս յիւրմէ, և ժոյժ ունին համբերութեամբ զի ծառայեսցէ նոցին:

41. Եւ եթէ դէպ լիցի քեզ 'ի սպասու ընկերիդ առնել ինչ ծառայութիւն անարդ և նուաստացուցիչ, ընկալ խորհութեամբ զպատեհդ, և այնպիսի խոնարհութեամբ՝ որպէս թէ դու ամենեցուն ծառայ էիր, և այլք ամենքեան տեարք քո և հրամայողք. նաև առ այնոսիկ քան զորս աստիճանաւ կարգիդ վեհագոյն իցես՝ մի զանց առնիցես 'ի դէպ ժամու մատուցանել և զլետնագոյն սպաս ծառայութեան: Սովին կրթութեամբ շահեսցիս գանձ անբաւ առաքինութեան և շնորհաց. և յայս սակս իսկարժան է քեզ փութալ յայդ, այնպիսի եռանդեամբ՝ որով մարդիկ աշխարհիս ջանսն պահել զսեփականու

Թիւնս և զիրաւունս իւրեանց: Եւ զի միանգամայն ասացից, աշխարհս համօրէն ոչ արժէ և զգոյզն ինչ մասն խոնարհութեան՝ զոր այդու ստասցիս կըրթուածեամբ:

42. Մի մտիր յիրս որք ոչն պատկանին քեզ, և վասն որոց ոչ ունիցիս տալ համարս Աստուծոյ կամ մարդկան. զի ինամ առ այդպիսիս ունել՝ նշանակ է թաքուն հպարտութեան և սնոտի յանապաստանութեան, որ սնուցեալ առ ճեցուցանէ զընդունայնութիւն և ծնանի բազմապատիկ հոգս և տագնասս և ընդվայրայածութիւնս մտաց: Ընդ հակառակն, հոգաւն միայն զպարտուց իւրոց՝ բոլիս անդորր հոգւոյ և խաղաղութիւն, ըստ գեղեցիկ առածի գրոց Նըմանութեան Քրիստոսի. « Որ լուէ զամենայնէ՝ հանգարտէ յամենայնէ »:

43. Եթէ գործ ինչ մեծի ճգնութեան առնիցես, հաւանեաց, ՚ի զգուշութիւն սնապարծութեան որ յաճախ խանգարէ զգործն, եթէ ոչ առ այլ ինչ զրկես զանձնդ ՚ի վայելիցն յոր այլք վայելեն, բայց զի չէ անկ մեղաւորի որ իբրև

զքեզն իցէ՝ զիւրութիւն և հանդիստ, որոց չես արժանի, վասն անթիւ յանցանացդ զոր յանցեար և հանապաղօրեայ դրժանաց պարտուցդ: Յիշեա կարևոր քեզ յոյժ լինել զգործս առաջխարութեան, առ ՚ի զսպել զթափ կրիցդ և ունել զքեզ ՚ի չափու պարտուցդ, որպէս պէտք են սանձի և դանդանաւանդի ՚ի նուաճել զերկվար ամէհի. իսկ այլոց որ հեղութեամբ բարուցն և օժանդակութեամբ շնորհաց գիւրայօժարքն են ՚ի կատարումն պարտուց՝ չեն պէտք այդոցիկ:

44. Յամենայն նուազս յոր թէ զգայցես դրդիւ դժկամակութեան և անհամբերութեան ՚ի վիշտս կամ յարհամարհանս հանդիպեալս, զգեմ՝ կալ պընդութեամբ՝ փորձութեանդ, յիշատակաւ անթիւ մեղացդ՝ վասն որոց սաստկագունից պարտական էիր պատժոցքան զոր կրեսն ինչ: Յորդորեա մանաւանդ զոգիդ ՚ի խնդութիւն ընդ այն, զի արդարութիւնն Աստուծոյ՝ որ զէն արքունական է ՚ի ձեռին իւրում, ըստ իմաստնոյն, « Զգեցցի զրահս զարգա-

րուծիւնն)», կատարի 'ի քեզ և 'ի վերայ քո: Պաշտեա զարդարուծիւնն իբրև զգերունակ յատկուծիւն Աստուածուծեան, և սլատկառ կաց հարուածոց նորին՝ որպէս աղբերաց զԹուծեան և շնորհաց. ճաշակեա զքաղցրուծի տան ջանաց յայդպիսւոյ հայրական ձեռանէ՝ 'ի կենցաղումս. և կատարեալ և անծեբի հլուծեամբ ընկալ զխոշտան գանսն. և ասա ընդ Սրբոյն Օգոստինոսի. « Աստէն կիղեա, աստէն խղեա, զի յաւիտեան խնայեսցես »: Վտարանջեղ 'ի վշտաց՝ ապստամբուծիւն իմն է 'ի փրկարար արդարուծեանէ Աստուծոյ մերոյ, և արհամարհանօք մերժել զբաժակն՝ զոր ողորմելով մատուցանէ քեզ, յորմէ և նախ ինքն՝ որ անմեղն էր Յիսուս՝ հարբ:

45. Եթէ գէսլ լիցի քեզ գթել 'ի վրիպանս՝ որով արհամարհ երևիցիս յաչս տեսողացն, ցաւեսց ընդ թշնամանս զոր եղեր Աստուծոյ, և ընդ գայթակղուծիւն զոր ետուրդ այլոց. այլ զանարգանսն և զամօթ որ հասցեն քեզ գործովք այդու՝ ընկալ գոհուծեամբ.

որպէս ականս պատուականս և որպէս քանձ մեծ՝ զոր հաճեցաւ Աստուած պարգևել քեզ, յուղղուծիւն սխալանացդ և 'ի յարգարել զքեզ առաւել ևս խոնարհ և առաքինի: Իսկ եթէ անարգանքդ վրդովեն զքեզ և անհանգստեն, ծանիր զի չունիս խոնարհուծիւն ճշմարիտ, այլ տակալին խմորեալ ես թունով հպարտուծեան. աղաչեալիք յայնժամ զԱստուած սնդագոյն թախանձանօք՝ բժշկել զքեզ և փրկել. զի եթէ ոչ գթասցի 'ի քեզ՝ անկցիս 'ի յուղովագոյնս ևս անկարգուծիւնս:

46. Եթէ գտցի ոք 'ի միջի այնոցիկ ընդ որս կենակցիսն՝ որ արհամարհ թուիցի յաչս քո, գործ զգօնուծեան է յայնժամ խորհրդածել և որոնել 'ի նմա բարի բարի յատկուծիւնս, զձիրս ընուծեան կամ զշնորհաց՝ որ տուեալ իցեն նմա յաստուածուստ, փոխանակ թերուծեանցն զոր ոգի քո հպարտ և նախանձոտ յանգիման առնէ քեզ. և 'ի նշմարել քում՝ 'ի նմա զբարին և զարգոյն՝ շեջուսցես այնու 'ի քեզ զքրդիւարհամարհուծեանդ, նաև գուն գոր.

ծեսցես պատուել զնա: Գոնեա այս ինչ յայտ լիցի քեզ, զի արարած է և նա Աստուծոյ՝ հաստատեալ 'ի պատկեր նորա, գնեալ արեամբ Որդւոյն Միածնի, կնքեալ քրիստոնեայ՝ կնքով Աստուածու-թեան, հոգի ընդունակ տեսու-թեանն Աստուծոյ և մշտնջենաւոր վայելիցն, և թերևս նախասահմանեալ 'ի փրկու-թիւն՝ յանքնելի և յերկրպագելի խորհուրդս տեսու-թեանն նորա: Եւ ո՞րտեալ իսկ գիտէ զչնորհան զոր եհեզ Աստուած 'ի սիրտ նորա, կամ զոր շնորհելոցն է յետ սակաւուց: Այլ և առանց ինչ ընդ այստակ գալոյ՝ լաւ ևս իցէ քեզ թերևս անդէն 'ի սկզբանն 'ի բաց հերքել 'ի քէն զայդպիսի խորհուրդ՝ որպէս ժանտաժուտ շունչ փորձողին, ասելով ցնա, թէ՛ ոչ միայն այդ այր՝ այլ և յետնագոյնն 'ի մարդկանէ արժանաւոր քան զիս է. և կ'աց մնա անտեղիտալի յայսմ՝ 'ի սոյն հաւանութեան:

47. Ի լսել քուժ գովեստ զանձնէդ՝ զարհուրեալ սոսկա՛ 'ի խորոց սրտիդ, և երկիր՝ մի գուցէ այն միայն լիցի վարձ սակաւ ինչ բարւոյն զոր թէ գործեալ

իցես: Մանիր 'ի ներքուստ զհիքու-թիւն քո, և զարմացիր՝ թէ զիարդ ակն ածեն այդպիսուամբ խոսելի անձին: Հնարս հնարեա յայլ ինչ չըլել զբանսն. բայց մի այնու օրինակաւ որ աւելի ևս գովութիւն բերցէ քեզ, որպէս առնեն սուտ խոնարհք և խորագէտ փառասէրք. այլ այնպիսի իմն սուրբ ճարտարութեամբ՝ զի մի ևս զքէն խորհիցին: Իսկ եթէ ոչ յաջողիցի քեզ արգելու զայն՝ տուր անդէն և անդ զամենայն փառսն և պատիւ Աստուծոյ, ասելով ընդ Բարուքայ. « Տեառն Աստուծոյ մերոյ՝ արդարու-թիւն, և մեզ ամօթ երեսաց »:

48. Որքան ընդ անձին գովեստ արժան է քեզ արամել, այնքան և արժան ինդալ ընդ գովութիւնս և ընդ պատիւս այլոց, որոց՝ հաւատա արժանաւորս զնոսա լինել, և 'ի սակս պատճառաց իսկ՝ որոց չկարես խելամուտ լինել. և յաւել 'ի նոյնս և քոյովսանն որչափ ինչ պարզմութիւն և ճմարտութիւն ներկիցեն: Ոչ հանդուրժեն նախանձոտք փառաւորութեան ընկե-



րին, նուազուժիւն ինքեանց վարկանելով զայն. և վասն այնորիկ ջանահնար լինին սարգէլ մուծանել 'ի զրոյցսն բանս բժեցուցիչս գովեստիցն տուելոց այլում: Փախիր յայսպիսի բանսարկուժեանէ: Եւ 'ի գովելն զընկեր քո՝ տուր գովուժիւն և Աստուծոյ վասն պարգևացն զոր ետ նմա, և վասն օգտին որ այնու գործեցաւ: Եւ ասա ցանձն քո. Բարի է Աստուծոյ առնուլ իւր սպասաւորս յամենայն մարդկանէ՝ քան թէ զիս, վասն պէսպէս թերուժեանց իմոց և անվտարանդի անձնասիրուժեանս՝ որ ապականեալ պղծ է զամենայն գործս իմ: Ասա դարձեալ. եթէ գովուժիւնք վայելեն յաւէտ ընկերին քան քեզ՝ վասն հպարտուժեան, ամպարհաւածուժեան և վրիպական բարուցդ՝ որով ընդունիս զգրուատանս: Գլուխ բանիս. այնքան առաւել խնդամիտ լեր ընդ գովուժիւն այլոց, որքան գոռող և նախանձոտ բնուժիւն քո ծանր համարիլցի զայն. քա՛ւ միայն՝ եթէ ոք զախտ ինչ գովիցէ, կամ յանարգուժիւն փառացն Աստուծոյ և 'ի գայթակղուժիւն այլոց

տայցի գովեստն. օրինակ իմն, առ հերեփիկոսս, առ անաուակս, և առ այնոսիկ՝ որք զվարկ մեծարանաց իւրեանց 'ի կորուստ հոգւոց չըջեն:

49. Իսկ եթէ չարախօսուժիւն ինչ զընկերէդ լուիցես, ցաւեսջիր յանձին քում. կարեկից լեր և տկարուժեան չարախօսին, և հնարեանց պաշտպան կալ պատուոյ անարգելոյն. այլ այնու զգոն և արդարադատ օրինակաւ, զի մի՛ 'ի կամելդ պաշտպանել՝ առաւել ևս արհամարհելոյ զնա տայցես պատճառս: Յիշեցո՛ մերթ իրս որ մեծարելի կացուցանեն զնա, մերթ և յայնանպէս ծանո զվարկ բարի զոր ունին զմասն և զոր դու իսկ ունիս. և երբեմն ճարտարուժեամբ յայլ ինչ փոխեսջիր զկարգ խօսիցն, կամ նշանակաւ տհաճուժեան իմացո զի ծանր է քեզ զայդ լսել: Աստու գործեսցես օգուտ մեծ և քեզ և չարախօսին և լսողացն, և այնմ՝ զորմէ բանն է: Իսկ եթէ զգայցես տակաւին հաճուժիւն իմն ընդ պախարականս ընկերիդ, կամ տհաճուժիւն ընդ փառաւորել նորին՝ առանց մերժելոյ զկիրսդ

յամենայն սրտէ, դիտասջիր զի հեռի էս յոյժ 'ի գերազանց գանձուէ խոնարհութեան:

50. Քանզի առ յառաջագիմուութիւն հոգևորական չիք օգտակարագոյն քան զառ 'ի յայլոցն ազգարարութիւն թերութեանց անձինն, հարկ է ամենայն իրօք՝ զի որոց արարին ընդ քեզ զայս սէր՝ տացես համարձակութիւն առնել նոյնպէս յամենայն դէպս: Եւ յետ ընդունելոյ 'ի նոցանէ զխրատն՝ ամենայն խնդութեամբ և շնորհակալութեամբ, բուռն հար իսկոյն և կատարել. ոչ միայն վասն բարւոյն որ յուղղութենէ անտի, այլ և առ 'ի ցուցանել մտերիմ՝ բարեկամացք այդոցիկ՝ եթէ ոչ 'ի զուր ինչ աշխատ եղեն, և զի շնորհ մեծ ունիս նոցա բարեսէր կամացն: Ամբարտաւանն և 'ի կամելն իսկ ուղղել զանձն՝ չկամի թէ երևիցի տեղի տալ փրկաւէտ խրատու այլոց, և փոխանակ գոհանալոյ՝ անգոսնէ իսկ. իսկ որ ճշմարիտ խոնարհն է՝ փառս անձին համարի զ'ի ներքոյ ամենեցուն կալն՝ 'ի սակս Աստուծոյ, և զիմաստուն խրատսն զոր լսէ՝

յաստուածուստ անտի համարի, ընդ որ գործի և եկեալ իցէ:

• 51. Յանձն արա զքեզ Աստուծոյ բուրրովմբ, և երթ զհետ սահմանելոյն 'ի սիրական խնամոց նորին, որպէս մանուկ բարեմոյն զի երթայ անխոտոր զհետ կամաց հօրն սիրեցելոյ, որում և զինքն պիտէ գող յոյժ սիրելի: Թոյլ տուր նմա առնել ընդ քեզ զոր ինչ և կամեսցի, անխառով և անտրտունջ՝ ընդ ամենայն որ հանդերձեալն են անցանել ընդ քեզ. և որ ինչ միանդամ հասանէ քեզ առ 'ի նմանէ՝ ընկալ խնդութեամբ, վստահութեամբ և պատկառանք: Ապա թէ այլազգ ինչ առնիցես, թուի թէ չէ քո ծանուցեալ զբարութիւն սրաի նորա, և ոչ ունիցիս յոյս առ նա, կամ թէ խիթայցես թէ խաբիցէ ինչ զքեզ. և համառօտ ասել, թուիցի իմն թէ կամիցիս ուսուցանել նմա յանկադոյն հնարս հոգալոյ զարարածս իւր: Ո՛հ, քանի՛ հեռի և հակառակ է այդ բան 'ի քաղցրութենէ և յերկեղածութենէ հոգւոյ ստուգապէս խոնարհի: Խոնարհութիւն իբուցանէ զմեզ

յանչափս՝ ընդ անբաւուութեամբ էու-  
թեանն Աստուծոյ, այլ ընդ նմին տայ  
մեղ յենուլ՝ ի նա՝ որպէս յապաւէն մեր  
միակ և ՚ի մխիթարութիւնն:

52. Քանզի յայտ է առանց երկբայու-  
թեան՝ եթէ առանց Աստուծոյ ոչ կա-  
րես առնել ինչ մի բարի, այլ գթիցես  
հանապաղ, և դոյզն ինչ փորձութիւն  
գլորեցուցէ զքեզ, ապա և հանապաղ  
ծանիր զքո ակարութիւնդ և զանբա-  
ւականութիւն ՚ի գործել զբարին, և  
զանդուլ և զանհրաժեշտ պէտս քո  
յօգնականութենէ նորին՝ յամենայն  
գործս: Զայս ՚ի մօտ ունելով յարեաց  
անմեկնելի յԱստուած, որպէս տղայ  
մի փոքրիկ՝ որոյ ոչ ունելով յայլ ինչ  
յենուլ՝ կռուիցի ՚ի գիրկս մօրն. և ասա  
ընդ մարգարէին. « Թէ ոչ Տեառն օգ-  
նեալ էր ինձ՝ փոքր միւս ևս բնակեալ  
էր անձն իմ՝ ՚ի գոփս »: (Սաղմ զի. 7):  
Գոչեա դարձեալ ընդ նմին. « Նայեա  
առ իս և ողորմեա ինձ, զի միամօր և  
աղբատ եմ էս »: (Իի. 16): « Աս-  
տուած, յօգնել ինձ նայեաց, և, Տէր,  
յընկերել ինձ փութա » (կթ. 1): Եւ

մի դադարիր ՚ի փառաբանելոյ զԱս-  
տուած յամենայն սրտէ քումէ. գոհա-  
ցիր մանաւանդ վասն օգնականութեն՝  
որով կանխէ և շուրջ պատէ զքե. և ա-  
ղաչեա յամենայն ժամ հասանել քեզ  
՚ի թիկունս, և տալ օգնութիւն՝ զոր ոչ  
կարես բնաւ այլուստ գտանել:

53. Ի վեր քան զամենայն՝ ՚ի կրթու-  
թեան աղօթից ՚ի դէպ է քեզ զամօթի  
հարկանել յանձին քում, ՚ի խոր խո-  
նարհել, և սրբազան երկիւղիւ զանգի-  
տել առաջի մեծի վայելչուութեան փա-  
ռացն Աստուծոյ՝ առ որ համարձակիսդ  
բարբառել. « Խօսեցայք ընդ Տեառն,  
բայց էս հող եմ և մոխիր »: (Մնն. ԺԷ.  
27): Եւ եթէ շնորհս ինչ յաւէտապար-  
գես ընդունիցիս աղօթիւքդ, ընկալ  
զայն խորին գիտակցութեամբ անար-  
ժանութեան անձինդ. և ծանիր թէ  
քանի առատապէս և ձրի առնէ քեզ  
զայդ Աստուած՝ միայն առ գթոյ ողոր-  
մութեան. և զդոյշ լեր չհամարել քեզ  
ինչ սեփական յայնմիկ, կամ հաճել ընդ  
այն անձնասիրութեամբ: Իսկ եթէ չընդ-  
ունիցիս ինչ նշանակաւոր, մի դադա-

րիր և յայնժամ՝ ի գոհանալոյ, յիշելով  
 զի չես արժանի ընդունելութեան և ոչ  
 միոյ շնորհի. և զի տակաւին մեծ շնորհ  
 է քեզ կալն առ ոսոս Աստուծոյ. համ-  
 բերութեամբ և խոնարհութեամբ ակն  
 կաջիր այցելութեան նորա, որպէս  
 աղքատ մի որ ընդ երկար ժամս սպա-  
 սեալ մնայցէ առ դրան մեծատան, որ-  
 պէս զի յանցանել նորին ընդունելի  
 սակաւ ինչ ողորմութիւն, որ բազում  
 այն է զի չէ բաւական ՚ի ընուլ զպէտս  
 տառապանացն:

Յ4. Հաւատարիմ խնամով՝ Աստուծոյ  
 միայնոյ վերագրեա զամենայն փառս  
 վասն յաջողութեանց և բարեհալան ելից  
 գործոցն ՚ի քեզ յանձն եղելոց, և մի  
 ինչ անձին սեփականեր, բայց զթերու-  
 թիւնս որ ընդ գործոցդ խառնեալ ի-  
 ցեն. և են իսկ քո արդարև այդքիկ-  
 քանդի յԱստուծոյ փան ամենայն բա-  
 րիք, և նմա միայնում վայելէ գովու-  
 թիւն և գոհութիւն. զայս ճմարտու-  
 թիւն քաջիկ տպաւորեա ՚ի խորս հո-  
 գւոյդ և պահեա անմոռաց: Եւ ՚ի վե-  
 րայ այսորիկ հաւատա, թէ այլ ամե-

նայն մարդ՝ որոյ եթէ գտեալ էր որպէս  
 գուգ զհզօր օժանդակութիւն շնորհաց,  
 լաւ քան զքեզ յաջողէր, և ոչ իբրև  
 զքեզ անկատար գտանիւր: Հրաժա-  
 րեաց ՚ի գովեստից զոր թէ տայցեն  
 քեզ վասն յաջողութեանցդ. և ասա, թէ  
 չէ արժանի այդոցիկ գործի մի անարդ-  
 իբրև զիս, այլ մեծն և վեհագոյն գոր-  
 ծաւոր, որ կարող է ՚ի կամեն և փա-  
 նաքի բեկորով փայտի բղխեցուցանել  
 ջուր յորդառատ յապառաժ վիմէ, կամ  
 դոյզն հողով թացելով բանալ զաչս կու-  
 րաց, և սքանչելիս մեծամեծս գործել:

Յ5. Իսկ եթէ ՚ի հակառակէն՝ ոչ յա-  
 ջողիցիս բնաւ ՚ի գործնս որ քեզ յանձ-  
 նեցան, զքեզ ինքնդ միայն ծանիր պատ-  
 ճառք ձխողելոյն, որպէս անձն առ ա-  
 մենայն ինչ անբաւական, յորմէ չգուցէ  
 բնաւ յոյս աչալընութեան և ճարտա-  
 րութեան: Զգոյշ կաց չարկանել յայլ  
 ոք զվեաս վիխանացդ, և մի պատճա-  
 ռաբաներ առ ՚ի համոզիկեր լինել թէ ոչ  
 զքէն կախէր անյաջողութիւն գործոյն.  
 այս յաճախ սովորութիւն անկրթիցն ՚ի  
 մեռելութիւն՝ ՚ի թաքուն հպարտու-

Թեանէ անտի յառաջ գայ, որ չհանդուր-  
 ժէ նուաստութեան և արհամարհա-  
 նաց. այլ գու (քաւ 'ի հարկէ պարտա-  
 ւորիչ խղճի մտաց) Թոյլ տուր այլոց  
 համարել որպէս կամօն. և ընկալ որպէս  
 ժառանգութիւն փարթամ՝ զամենայն  
 եպերանս և զամօթ՝ որ անտի հասանիցէ  
 քեզ: Զայս ևս ածըլը զմտաւ, զի Թէ-  
 պէս և խիղճ քո ոչ սադտանիցէ զքեզ  
 յերկր յայդմիկ, իբրու զի արարեր որ  
 ինչ 'ի քո ձեռս էր առ 'ի յաջողութիւն,  
 այլ մեղք քո, ամպարհաւաճութիւնդ և  
 յանձնդ ապաստան լինել՝ 'ի բաց դար-  
 ձուցին 'ի քէն զԱստուծոյ օրհնու-  
 Թիւնն. և բովանդակ ասել, վասն խրա-  
 տելոյ զքեզ և առաւել ևս խոնարհե-  
 ցուցանելոյ, Թոյլ ետ Աստուած՝ ոչ ըստ  
 ակնկալուածեան յուսոյ քո 'ի գլուխ ե-  
 լանել գործոցն:

56. Ի մատչել քուժ առ սուրբ խոր-  
 հուրդն հաղորդութեան սրտիւ բորբո-  
 քելով հրով աստուածային սիրոյ, մատո  
 ընդ նմին և հոգի ամենեկիմբ Թաթա-  
 ւեալ յիմացմունս ճշմարիտ խոնարհու-  
 Թեան. զարմայիր, Թէ զիարդ Աստուած

ամենասուրբն և ամենամաքուր՝ ցայդ  
 վայր մարդասիրութեան զիջանի, մինչև  
 տալ զանձնառ եղկելի ոք որպէս զքեզդ.  
 խորամուխ լէր՝ որքան կար է 'ի քեզ՝  
 'ի կենդրոն անդր խորոց անդնդոց ան-  
 արժանութեանդ. մատիր մեծաւ յոյժ  
 պատկառանք առ խորհուրդն երկրը-  
 պագելի: Եւ եթէ հաճոյ Թուեսցի  
 Փրկչին սիրելոյ՝ որ ամենեկին սէր է  
 յայսմ խորհրդեան, հաղորդել քեզ  
 զգգուանան՝ մասնաւորելով յառատու-  
 Թեանէ քաղցրութեանց իւրոց, մի և մի  
 ինչ զանց արասցես յերկեղած պաշտա-  
 մանէ՝ առ անբաւ նորա մեծվայելչու-  
 Թիւնն: Կաց մնա գու 'ի քում տե-  
 ղուջ, որ է հպատակութիւնն, խոտան  
 գրիլն և ոչնչութիւն: Այլ մի անարդու-  
 Թիւն քո և աղէտք հիբուածեանդ չքուս-  
 ցեն և ամիոփեսցեն զսիրտ քո, և մի  
 արգելցեն զսուրբ համարձակութիւնն՝  
 որով անկ է քեզ մատչել 'ի սեղանն  
 սրբութեան. այլ մանաւանդ յաւելցեն  
 'ի քեզ զսէրն առ Աստուած, որ յանձն  
 առնու խոնարհել՝ մինչև 'ի լինել կերա-  
 կուր անդեան հոգւոյ քում:

57. Խանդաղատեա ցանկ գորովելով 'ի վերայ ընկերի քո, և բղխեա անսպառելի հոսանս քաղցրութեան և կարեկցութեան. խնդրեա՛ անձկաւ մեծաւ և մի վրիպեսցի 'ի քէն առիթ օժանդակելոյ նմին. բայց ամենայն լիցի 'ի հաճոյս կամացն Աստուծոյ: Զտեալ մաքրեա զգիտմունս շարժման գործոցդ, առ 'ի տարագրել զամենայն ընդունայնութիւն և անձնասիրութիւն. և Աստուծոյ միայնոյ վերագրեա զամենայն գործ բարի զոր թէ՛ առնիցես. և գիտասջիր սրտի մտօք, զի ամենայն գործ բարի զոր թաքուցեալ ունիս 'ի ծածուկ՝ իբրու զի Աստուած միայն տեսցէ, լիցի քեզ յօգուտ անբաւապատիկ. իսկ որ քոյն վրիպանօք 'ի յայտ դայցէ մարդկան՝ մինչ կարելիրն թաքուցանել, կիսով կորուսեալ է և 'ի վտանգի կայ սպառսպուռ կորստեան. որպէս ողկոյզ կտցեալ 'ի թռչնոց՝ յորմէ ընդ հուպ չմնայցէ ինչ՝ բայց ջեղքն մերկք և անպտուղ:

58. Յերկիւն փրկարար՝ զոր անկ է քեզ ունեւ առ ահի ստուենկանելոյ կա-

մացն Աստուծոյ, կցորդեսջիր և զհառաջանս 'ի խորոց սրտէ՝ վասն վտանգի գլորման, որ հանապաղորդք 'ի վերայ կայ. որպէս զի հաճեսցի գթութիւնն Աստուծոյ պահել քքեզ 'ի չարէ այտի մեծէ: Այս սուրբ հեծուիբէն է՝ զոր յղովք 'ի սրբոց պատուիբէնն, որ ընդ իւր բերէ զգուշութիւն 'ի վերայ անձին, մտադիւր զգաստութիւն յամենայն գործս, խոկումն յաստուածային ճմարտութիւնս, արհամարհութիւն կենցաղական իրաց, աղօթակացութիւն սրտի, և կատարեալ հրաժարումն յամենայնէ որչէ Աստուած: Եւ համառօտ ասել, սա է աղբիւր ճմարիտ խոնարհութեան կամ աղքատութեանն հոգւոյ. վասն որոյ ստեպ կրթեսջիր յայդմիկ, և եթէ հնար է՝ լիցի քեզ դա յաղօթս մշտամուռնչս:

59. Հիւանդ որ մեծաւ անձկանօք փափագիցէ բժշկութեան, սրտի մտօք զգուշանայ յամենայն արգելչաց նորին, նաև յառողջ կերակրոց չափով առնու, և գրեաթէ քննէ զամենայն պատառ՝ զի մի վնաս ինչ բերցէ առող-

ըուծեանն. այսպէս և դու՛ եթէ փափագես անձկաւ՝ զերծանել 'ի մահաբեր ախտէ հպարտութեան, եթէ հաւաքանօք ցանկաս մեծագին պարգևի խոնարհութեան, արթուն կաց հանապազ՝ չառնել և չասել ինչ որ զայն հաւացուցէ 'ի քէն: Բարի է առ այս՝ քննել յամենայն գէպս և տեսանել, եթէ զոր հանդերձեալք ես գործել՝ 'ի ճաճ իցէ խոնարհութեան, թէ հակառակ նմին. և ըստ այնմ՝ բուռն հարկանել կամ 'ի բաց թօթափել, և առ 'ի յաջողել յայսմ՝ կրթութեան՝ պահանջի 'ի քէն անվրէպ հաւատարմութիւն առ աստուածային շնորհսն որ առաջնորդեն 'ի դոյն:

60. Յետ նկատման ոչնչութեան քո, ստէպ սղալանացդ, տկարութեանդ և անհնարին անդնդոց հիբութեանդ, միւս ևս հզօր հնարք առ 'ի ձգել ածել զքեզ 'ի սքանչելիս յայս ուղղութիւն, իցէ խորհրդածելն յաճախ յանձին բուժ՝ այսպէս. Եթէ ես ոչ հոգացայց խոնարհեցուցանել զանձն իմ՝ ապաքէն Աստուած խոնարհեցուցէ. բարձցէ նա

յինէն զիւր շնորհսն, և թերևս թոյլ տացէ ինձ գթել 'ի յանցանս մեծամեծս՝ որով խոտան գտայց յաչս ամենեցուն, և ոչ ինչ օգտեցայց 'ի փրկութիւն իմ. իսկ արդ չիցէ՛ լաւագոյն անձամբ անձին դատ առնել՝ կամաւոր ցածուծեամբ, և ածել 'ի վերայ իմ նորանոր հոսանս շնորհաց, քան թէ արկանել զիս 'ի վտանգ զիծեցուցիչ արհամարհութեանց՝ զոր կրեն յաճախ հպարտքն և յայս կեանս, և ահեղագունից ևս՝ որ կան և մեան նոցա 'ի հանդերձեալսն: Այս օրինակ արդարագատ խոկումն՝ ընդոստուցէ անշուշտ զոգիւղ, և յորդորամիտ արասցէ առ ամենայն հնարստացման սրբոյ խոնարհութեան՝ որ կարող է զերծուցանել զքեզ յայնքանոյ ահաւոր վտանգէ:

61. Միւս ևս խոկումն հարկեցուցիչ 'ի տալ քեզ սիրել զառաքինութիւն խոնարհութեան՝ օրինակն Քրիստոսի է, զոր պարտ և արժան է քեզ հանապազ առաջի աչաց ունել. ինքն իսկ ասաց յիւրումն աւետարանի. « Ասարուբ յինէն՝ զի հեզ եմ և խոնարհ սրտիւ »:

Եւ արդարեւ, ասէ Ս. Բեռնարդոս, ո՞ր  
 հպարտութիւն է՝ զօր ոչ կարիցէ բժշկել  
 խոնարհութիւն աստուածայնոյ  
 վարդապետիդ: Մարթ է ասել ստու-  
 դութեամբ ըստ տեսութեան իմիք, ե-  
 թէ չիք ոք բաց 'ի նմանէ՝ որ ճշմարտա-  
 պէս նուաստացեալ և խոնարհեալ իցէ.  
 զի զնոյն կամելով մեր առնել՝ ոչ եթէ  
 խոնարհեալ 'ի վայր իջանեմք, այլ զտե-  
 ղի մեր ունիմք և կայկայիմք 'ի պատշա-  
 ճելու մն մեզ կարգի. քանզի արարածք  
 գոյով անարգք, և թերևս բիւր փա-  
 սուց պարտականք, մնայր մեզ ակնկա-  
 լութիւն ոչնչութեան յաւիտենական  
 պատժոց: Իսկ Յիսուս խոնարհեցաւ  
 յոյժ յոյժ քան զվայելու իւր կարգ-  
 քանզի Աստուած է ամենազօր, էութե-  
 թիւն անբաւ և անմահ, տէր և իշխան  
 ամենայն եղելոց. և կամեցեալ՝ եղև  
 մարդ տկար, կիրքնդունակ, մահկանա-  
 ցու, և մահուցափ հնազանդ. էջ 'ի յե-  
 տին չքաւորութիւն և յամենազուրկ  
 աղքատութիւն. և այն որ ուրախու-  
 թիւն և երանութիւն է յերկինս հրեշ-  
 տակաց և սրբոց՝ Թոյլ ետ ցաւոց բըռ-

նանալ յանձին իւրում, և հաճեցաւ  
 կրել 'ի վերայ երկրի զամենայն կիրս  
 տկարութեանց մարդկան: Իմաստու-  
 թիւնն անստեղծ և աղբիւրն ամենայն  
 գիտութեանց՝ ոչ գարչեցաւ 'ի կար-  
 ծեաց յիմարութեան. Սուրբն սրբոց  
 և իսկականն սրբութիւն՝ հաւանեցաւ  
 համարիլ մեղաւոր և չարագործ: Այն  
 որ պաշտին յերկինս յանհամար գնդից  
 հոգւոց երանելեաց՝ յանձն էառ մեռա-  
 նելանարգաբար, և 'ի խաչի վերայ ա-  
 ւանդել զողբին: Եւ այն որ ինքն յինքե-  
 նէ բարի է դերազանց՝ ընդ ամենայն  
 էանց ազգս տառապանաց: Զայսպիսի  
 ունելով յարացոյց խոնարհութեան՝  
 զինչ այլ մնայ մեզ առնել որ հոգս եմք  
 և մոխիր: Եւ եթէ յաւելցուք յիշել զի  
 մեղաւորք եմք և վատթարք՝ կայցէ՞ ար-  
 դեօք ազգ ինչ նուաստագունութեան  
 որ տակաւին ծանր թուիցի մեզ:

62. Զմտաւ ածջլիր և զօրինակ Սրբոց  
 հնոյ և նորոյ կտակին: Եսայիաս առա-  
 քինագործն այն և նախանձախնդիր  
 մարգարէն, առաջի Աստուծոյ՝ պղծու-  
 թիւն համարէր զանձն, և զարդարու-



Թիւն իւր՝ այսինքն զգործսն բարիս՝  
 իբրև զհանդերձս դարչունակս: — Դա-  
 նիէլ՝ զոր Աստուած ցուցանէր Եզե-  
 կիէլի իբրև սուրբ ոք կարող 'ի զի-  
 ջուցանել զցատումն Աստուծոյ, խօսէր  
 ընդ նմա որպէս մարդ լցեալ անօրէնու-  
 թեամբ՝ որում անկ իցէ հանապազ կո-  
 րանալ ամօթով և շառագունել: —  
 Սուրբն Դոմինիկ՝ սքանչելին անմեղու-  
 թեամբ, այնքան հաւանեալ էր խոտան  
 իմն լինել, զի կարծէր զանէծսն Աստու-  
 ծոյ իջուցանել 'ի վերայ քաղաքաց ընդ  
 որս անցանէր. վասն այնորիկ մինչև 'ի  
 ներքս մտեալ՝ ծուներ 'ի գետին եդեալ  
 արտօսարևից աչօք ասէր. Երգմնցուցա-  
 նեմ զքեզ, Տէր, 'ի բարեգութ խնամս  
 քո, մի հայիր 'ի մեղս իմ, և մի հեղուր  
 զբարկութիւն ցասման քո 'ի տեղիս  
 յայս յոր հանդերձեալ եմ մասնել: —  
 Ս. Փրանկիսկոս՝ որ վասն վարուցն մա-  
 քրութեան արժանի եղև պատկերա-  
 կից լինել Քրիստոսի խաչեցելոյ, հա-  
 լատայր աներկմիտ՝ լինել դուռև մեղա-  
 ւորաց երկրի. և այնքան հզօրագոյնս  
 տպաւորեալ էր 'ի նմա այս խորհուրդ՝

զի չէր ումեք հնար խլել 'ի նմանէ. և  
 պատճառ հաւանութեանն զայս ածէր.  
 զի Թէ Աստուծոյ արարեալ էր յետնա-  
 դունին 'ի մարդիկ այնքան շնորհս զոր  
 առ ինքն արար, նա լաւագոյն ևս վա-  
 րէր նոքիմք, և ոչ իբրև զինքն անշնոր-  
 հակալու գտանէր: Սիրէր նա կալ ընդ  
 աղքատս և ընդ մուրացիկս, համարեալ  
 լինել ապուշ ապիմաց, և կրել զանցս  
 չարագունին 'ի մարդիկ: — Այլք 'ի  
 Սրբոց անարժանս համարէին զանձինս  
 կերակրոց զոր ճաշակէին, օգոյ զոր  
 շնչէին և զգեստուց զոր ազանէին: Ո-  
 մանք՝ մեծ սքանչելիս ողորմութեանն  
 Աստուծոյ վարկանէին զներել թողուլ  
 նորա զինքեանս 'ի վերայ երկրի և զօն  
 գահավիժել 'ի դժոխս: Այլք զարմա-  
 նային Թէ զիմրդ հանդուրժէր նոցա  
 աշխարհ, կամ զիմրդ ոչ միաբանէին ա-  
 մենայն արարածք 'ի սատակել ջնջել  
 զնոսա: — Գլուխ բանիս. ամենայն  
 Սուրբք գարշեցան խորշեցան 'ի շքոյ  
 փառաց, 'ի գովութեանց և 'ի սլա-  
 տուոյ. և վասն զի յոյժ առ խոտանս  
 ունէին զանձինս իւրեանց՝ անդադար

ըլծիւք ըղձանային արհամարհանաց և անարգանաց: Իսկ դու աւագիկ իցե՞ս առաւել քան զդոսա իմաստուն, լուսամիտ և ուրբ: — ասպէն չիչխես և ընդ կարծ զայդ ասել, և ոչ թաքուցանել յանձնէդ՝ զի ոչ միայն չես նման նոցին, այլ և լի ես բաղմամպառիկ թերուծեամբք: Եւ ընդէր ոչ կամիցիս լինել ըստ օրինակի նոցա փոքր և փանաքի յաչս անձինդ. կամ ընդէր ոչ համարիցիս քեզ՝ որպէս նոքայն՝ փափկուծիւն մեծ զխոնարհուծիւնն սուրբ:

63. Առ ՚ի զարգանալ առաւել քան զառաւել յայսմ առաքինութեան, և առ հաճոյ և ընտանի առնել քեզ զ'ընդվայրընկեցիկն լինել, օգտիցէ քեզ յոյժածել յաճախ զմտաւ զթշնամանս ինչ կամ զնախատինս նշաւակիս՝ որոց մարթ իցէ պատահել քեզ, և կրթել զքեզ յայնժամ ՚ի ներքուստ, (ի բաց հերքելով զամենայն զղուանս բնութեանդ) յընդունել զնոսին որպէս պարզ ևս մեծատուրս, անխաբելի նշանակս սիրոյ Փրկչին, և սոյոգ հնարս սրբակերտութեան անձինդ: Առ ՚ի ժամա-

նել յայս կէտ՝ հարկ իցէ թերևս քեզ ժուժկալել բուռն հակառամարտութեանց, այլ մի վհատիցիս. համբէր մեծախոհուծեամբ, և զգէմ կայքիր յարձակմանց պատերազմին, մինչև առ ոսն հարցի ամբարտաւանութիւնդ, և զգայցես պատրաստ լինել հաստատուն մտօք ՚ի կրել յօժարութեամբ զամենայն վասն սիրոյն Քրիստոսի: Զայս արարեալ յաղթանակս հանապազօր կանգնեսցես, և ՚ի սուղ ժամանակի յառաջագէմ գտցիս ՚ի սուրբ հրահանգս ունայնացուցանելոյ զանձն:

64. Մե անցցէ զքեւ օր՝ յորում ոչ դիցես անձին քում կշտամբանս՝ զոր ոխերիմ թշնամիք քո կարէին դնել քեզ, և զայս ոչ այնքան առ ամբել և ընտելացուցանել քեզ զայնոսիկ, որքան առ ունել զքեզ միշտ կոխան և խոտան յաչս քո: Մանաւանդ՝ եթէ դէպ լիցի քեզ ՚ի մրկի բռնաւոր փորձութեանց՝ զգալ յոյզս կարճատուծեան և տրտնջանաց առ ՚ի ներքուստ՝ վասն զայդ օրինակ փորձելոյ զքեզ Աստուծոյ, սաստեախստիւ անձին քում վասն այդպիսւոյ

աստամբուլութեան. արտմտեաց քեզ ինքեան՝ զի տակաւին լցեալ էս գոռոզութեամբ, և ասա ցանձն քո. Զիւրդ իշխէ մեղաւոր հէք և անսխտան դանդաւտել ընդ այս վիշտ. միթէ չիցեմ էս արժանի ամենապատիկ դառնագոյն պատուհասից. ծանրութիւն մեղաց իմոյ պարտաւոր առնէ զիս դժոխոց, և զիւրդ ժտեցայց տակաւին քրթմնջել ընդ արկածս ինչ ժամանակաւորս և անտեականս՝ որ ոչինչ մի էն: Միթէ մուռացօնք եղէն քեզ, հոգի իմ, եթէ խտտումն և վիշտք ճշմարիտ կերակուր հացի էն քո և մեծափարթամ տուրք ողորմութեան Տեառն քո՝ առ ՚ի թափել զքեզ ՚ի թշուառութենէդ և ՚ի չքաւորութենէ. և զիւրդ ոչ ընդունիցիս զայդոսիկ աղերսիւ գոհութեան: Ա՛հ, մերժելից զայդ՝ զքեզ անարժան կացուցանել է այդմ, և խոտել զգանձն պատուական, որ թերեւ բարձցի ՚ի քէն և անցցէ յայլոց ձեռս՝ որ լաւ ևս յարգեսցեն զայն. « Տացի ազգի որ առնիցէ զպտուղս նորա »: (Մատթ. ին. 43): Ամբ էին Աստուծոյ վերամբառնալ

զքեզ ՚ի դասս հաճեցելոցն իւրոց՝ ճշմարիտ աշակերտաց Գողգոթայի, և դու վատաբար լքանես փախչիս ՚ի պատերազմէ. առանց մարտնչելոյ ոչ է հնար պսակիլ, և ոչ առնուլ զվարձս առանց բառնալոյ զծանրութիւն աւուրն: Որպիսի՞ ճգանց ոչ տանէին դատապարտեալքն՝ առ հասանել ըմբռնել զերանութիւնն որ առաջի դնի քո, եթէ դոյր նոցա տուեալ ժամանակն և շնորհք որպէս յայժմուս քեզ: Այսպիսի և որ սոցին նման կշտամբանք վառեալ բորբոքեսցեն զեռանդն քո, և յորդորեսցեն սիրել զկեանս անինչս և տառապեալս, ցածուցեալս և չքացեալս, ըստ տարազու Փրկչին մերոյ:

65. Որքան և անխռով կայցես յանարգիլ և ՚ի խոտել քում, մի վստահացիս տակաւին ունել խոնարհութիւն անբոյթ և յաղթական. քանզի է երբէք զի ընդարմացեալ հանդարտէ հպարտութիւն, և յառաջին դէպս առթից՝ զարթուցեալ ընդոստնու, և անկարծելի նախաձիրս գործէ ՚ի հոգւոջ: Արթուն կաց հանապաղ ՚ի կրթութիւն

ծանօթուծեան անձինդ, 'ի հրաժեշտ փառաց, և 'ի խնդիր նուաստութեան: Եթէ այսու օրինակաւ դամագիւտ լինիցիս մեծահարուստ ժառանգութեան այսմ առաքինութեան՝ լէր անկասկած և 'ի չկորուսանելոյ զնոյն. զի առ 'ի պահել զպարգև խոնարհութեան՝ պէտք են հանապաղ խոնարհել:

66. Յօժանդակութիւն գիւտի շնորհիդ այդմիկ կալ քեզ բարեխօս և պաշտպան զամենասուրբ Կոյսն, որ ըստ Աբրբոյն Բեւանարդոսի՝ խոնարհեցաւ քան զամենայն արարածս, և խորովք խոնարհութեանն՝ որ գերագոյն էր բնաւից՝ փոքր քան զամենեսին եղև. և սովին հիպսեանչ պատրաստութեամբ ձրգեաց յինքն զլիութիւն շնորհաց, և Աստուծոյ մայր լինելոյ եղև արժանի: Ե նա և մայր դթած և գորովասէր, և գիւրասպատրաստ 'ի լսել ամենեցուն. վստահօրէն ապաստան լեր 'ի գիրկս նորա. երգմնեցո զնա ստանալ քեզ զառաքինութիւն՝ որ այնքան մեծարոյ եղև յաչս նորա, և մի երկբայիցիս ընդ հաճութիւն խնամոց նորին. զի հայցեսցէ

զայն 'ի նմանէ՝ որ յարգարէ զխոնարհս և յամօթ առնէ զհպարտս. և զի առ ամենայն բաւական է նա առ Որդւոյ իւրում, առանց երկբայութեան և լսելի լիցի: Առ նա դիմես յամենայն վիշտս քո, յամենայն պէտս, յամենայն փորձութիւնս. նա եղիցի ասպակն քո, հաստատութիւն քո և մխիթարութիւն քո: Այլ առաջին և մեծ շնորհս զոր անկ է քեզ խնդրել 'ի նմանէ՝ խոնարհութիւնն է սուրբ. մի կասիր 'ի թախանձելոյ՝ մինչև ընկալցիս զայն. և մի զանգիտեր ձանձրացուցանել ժտութեամբդ. սիրէ նա զանդադար թախանձանս որ առ ի թիցէ փրկութեան հողւոյդ, և առաւել հաճելի լինելոյ անձինդ Որդւոյ իւրում և Աստուծոյ: Եւ առ 'ի բռնագատել իմն զնա յօժանդակութիւն քեզ՝ բարուրս փարելիս արկ առ նա զնորա իսկ խոնարհութիւնն, որով արժանացաւ վերանալ 'ի պատիւ աստուածամայրութեան, և զաստուածափառ մայրութիւնն՝ որ խոնարհութեանն եղև պրտուղ:

67. Դարձեալ, կալ քեզ սո. այս միջ

նորդ զՍուրբն յորս առաւելապէս փայլեաց առաքինութիւնդ այդ գերունակ զոր օրինակ, սուրբ հրեշտակապետն Մեքայէլ, որ առաջին գտաւ 'ի խոնարհս, որպէս և Սրուսեակն 'ի հպարտս. — սուրբ Մկրտիչն Յովհաննէս, որ ըստ իմաստասիրելոյ Ս. Գրիգորի Մեծի, յայն բարձրութիւն սրբութեան ժամանեալ էր՝ զի Մեսիա համարեալ ընէր. և սակայն՝ ըստ Քրիստոսի իսկ վկայութեան, այնպէս առ փոքր ունէր զանձն իւր. — Սուրբն Պօղոս, Առաքեալն այն յաւետանործ, որ մինչև յերրորդ երկինս վերացաւ, և յետ ըսելոյ զգաղանիսն Աստուծոյ՝ չհամարէր ինչ զանձն բայց տրուպն առաքելոց, որոց և ոչ անուանակցութեան գոյ արժանի, նա և ոչինչ մի ընէր. (ի Կորն. Ժբ. 11): — Ս. Գրիգոր Պապն, որ առաւել ջանահնար եղև փախել 'ի քահանայապետական աթոռոյն՝ քան փառասէրք աշխարհի առ հասանել 'ի բարձս աւագութեանց: — Սուրբն Ալեքսիանոս, որ առաւել լաւ համարեցաւ 'ի բնիկ 'ի տան իւրում՝ նախատակոծ ըն-

նել և զգուրլ յիւրոց ընդասուն ծառայել, քան զամենայն շուք և մեծարանս զոր կարէր ընդունել: — Սուրբն Ալոյիս Գոնծակեան, որ ոչ աննշան տանուտէրութեան պայազատ գոյով՝ խնդութեամբ հրաժարեցաւ, և փոխանակ փայլման պերճանաց՝ ընարեաց կեանս գձուձս և մեռելականս:

68. Ի վերայ այսոցիկ ամենայնի՝ յուշ լիցի քեզ, զի 'ի կիրառութեան խորհրդոց խոստովանութեան և հազորութեան՝ գտցես ճոխագոյն օգնականութիւն առ 'ի տևել տոկալ 'ի կրթութեան խոնարհութեան: Առաջինն 'ի խորհրդոցս՝ յորում՝ յայննեմք մարդոյ մեղ նմանեոյ զթաքնագոյն և զամօթալի կարիս հիքութեան մերոյ, մեծագոյն գործ խոնարհութեան է՝ օրինադրեալ 'ի Քրիստոսէ եկեղեցւոյ իւրում: Իսկ խորհուրդն գոհութեան՝ յորում ընդունիմք գոյապէս զԱստուած մարդացեալ և ունայնացեալ առ սեր մեր, հիասքանչ վարժարան է խոնարհութեան և զիպողագոյն գործ 'ի ստացուած նորին: Իշխիցես յերկուանալ թէ չհա-

զորդիցէ քեզ նա զսքանչելի առաքինու-  
թիւնն, յորժամ սիրան սրբազան,  
սիրան այն դիւրագործով և հեղահամ-  
բոյր, հնոցն սիրոյ և գթութեան, զե-  
տեղեցի 'ի վերայ քուժսրտի, և դու ա-  
մենայն եռանդեամբ ըզձից հայցեսցես  
զայն 'ի նմանէ: Մտտիր ուրեմն յաճա-  
խակի որքան 'ի ճահ է քեզ, առ խոր-  
հուրդն այն երկրպագելի սրբամաքոր  
պատրաստութեամբն՝ զոր 'ի քէն պա-  
հանջէ, և մի երկմտիր՝ զի դասցես 'ի նմին  
զմանանայն թաքուն, որ միայն մեծա-  
ջան փութով խնդրողացն տուեալ լինի:

69. Յետ ամենայնի, տես, մի դուցէ  
վհատեալ լքանիցիս վասն դժուարու-  
թեանց զոր կրիցես 'ի սկզբան անդ կըր-  
թութեանցս այսոցիկ նշանակելոց, և  
վասն հակառակութեանց՝ զոր 'ի քուժ  
խիկ 'ի բնութեան զգայցես: Մի լնցի  
քեզ ասել որպէս վստասիրտ աշակերտ  
քրն, « Խիստ է բանդ այդ, ո՞ կարիցէ  
լսել դմա ». ծանր է կրթութիւնդ, և  
ո՞ կարիցէ անսալ և կատարել: Ճմար-  
տութեամբ ասեմ, զի դառնութիւնք  
զոր 'ի սկզբանն զգայցես՝ փոխիցին ընդ

հուպ 'ի քաղցրութիւնս և 'ի մխիթա-  
րութիւնս անճառելիս: Սուրբ յարա-  
տեութիւն 'ի կրթանսդ՝ զերծուցէ  
զքեզ 'ի բազմապատիկ տատամու-  
թեանց ոգւոյ և վարանագ, և մուծցէ  
զքեզ 'ի վիճակ խաղաղութեան և ան-  
դորրու, յորում սկսանի հոգի վայելել  
զբարեբաստիկ երանութիւնն որ պա-  
տրաստեալ է նմա յերկինս: Իսկ եթէ  
սրտաթափ լեալ ոչ հարկանիցես բուռն  
զհնարից և զճգանց լինելոյ ճմարտի-  
խոնարհ, կացցես մնացես հանապազ  
'ի ծուփս անդոհականս, տատանեալ  
տագնասպաւ և անհանգստութեամբ,  
անտանելի եղեալ քեզէն քուժ անձին,  
թերևս և այլոց. և որ մեծն է, դուցէ  
և վտանգ կորստեան հոգւոյ քո գործի-  
ցես: Այս գէթ աներկբայ է, զի փա-  
կեսցին քեզ գրունք կատարելութեան.  
քանզի յայտ իսկ է զի խոնարհութեամբ  
և եթ մարթ է մտանել ընդ այն: — Քա-  
ջալերեաց ուրեմն սուրբ եռանդեամբ,  
և մի և մի ինչ լքուցէ զքեզ: Ամբարձ  
զաջս քո 'ի վեր, և տես զՅիսուս Քրիս-  
տոս՝ որ բարձեալ զխաչ իւր ցուցանէ

զճանապարհ հոնարհուածեան և համբերութեան, զոր և հորդեցին այնքան սրբոց բազմութիւնք՝ որք արդ վայելէն ընդ նմա 'ի փառս. նա ինքն հրաւէր կարգայ քեզ և կարեկցաբար յորդորէ հեռեւէլ ընդ շաւիղս զոր ինքնին կոխեաց, և ընդ նոյն ընթացան հաւատարիմ նմանողք լաւութեանց իւրոց: Զմըտաւ ան զհրեշտակն որք տենչացեալ քում փրկութե՛րդ մնեցուցանեն զքեզ երթալ ընդ նոյն հետս՝ իբրու միայն անխոտորս և միայն բաւականս 'ի տանել հանել զքեզ յերկինս, և ունել զտեղի՝ յորմէ անկան հրեշտակքն ապստամբք՝ բարձրամառութեամբ իւրեանց: Զմտաւ ան և զբազմութիւն Սրբոցն որք ձայն եղեալ աղաղակեն առ քեզ, թէ ոչ այլ ազգ հասաք յայս անբաւելի փառս յոր վայելեմքս՝ բայց կամաւոր նուաստութեամբք և վշտակրութեամբք. և ահա փութան իբրև ընկեր առ ընկեր խրատոյս կարգալ փարելի ասել քեզ՝ ասալստին 'ի սկզբան փորձոյ տենչանացդ, և երգմնի առնեն զքեզ՝ մի դլալ մի դադարել և մի շիջուցանել զկայծն վառեալ

'ի սրտիդ: — Արդ, ճն առեալ զօրացիր և քաջ լեր, և ձեռն արկ անյապաղ 'ի գործդ մեծ և կարևոր: Յուշ լիցին քեզ սրբազան պարտապանութիւնք՝ որով կապեալք ես 'ի քրիստոնէութեան, և երկիր, գուցէ հաւատադրուժ գտանիցիս խոստմանցդ առ Աստուած: Երանի և ըւր երանի քեզ, եթէ այսու վառեալ մտօք՝ հրահանգ մեծ և կարևոր քեզ զխոնարհութիւնն առնիցես, առ 'ի ժառանգել զմեծութիւնսն յաւիտեանականս:

70. Եւ յաւարտ բանիցս յաւելից և զայս: Աստուածային վարդապետն մեր պատուիրէր աշակերտացն, նաև յետ կատարելոյ զամենայն հրամայեալսն ինքեանց՝ խոստովանել զանձինս ծառայս անպիտանս: Ըստ այդմ օրինակի և դու, թէպէտ և ամենայն խնամով և սրտի մտօք կրթեսցիս 'ի խրատօքս, զնոյն բան ասա անվրէպ, ծառայ անպիտան եմ. և հաւատա առանց երկբայութեան, զի թէպէտ և ստացիս զանգինն խոնարհութիւն, ոչ ջանից և արդեանց քոց պտուղ իցէ ստացուածն այն, այլ ձրիա-

տուր կամացն Աստուծոյ և անբաւա-  
պարզ և նորա ողորմութեանցն : Գոհա-  
ցիր զնմանէ մինչև 'ի մահ' վասն մեծա-  
շնորհ բարեացն՝ ամենայն գորովանօք և  
խանդաղակաթ աղերսիւ սրտիդ , որքան  
և իցէ քեզ կար . և աղաչեա զօր ամե-  
նայն՝ պահել քեզ անկորուստ զգանձդ  
զայդ՝ մինչև ցժամն յետին , յորում ար-  
ձակեալ հոգւոյ քոյ յամենայն կապա-  
նաց՝ Թուցեալ վերասցի 'ի ծոց Արար-  
չին իւրոյ , 'ի վայելս փառաց որ պատ-  
րաստեալն է խոնարհաց :

ՅԱԻԵԼՈՒԱԾ



Քաղցրացելոց կամ օգտելոց՝ ի խրատուց սսկեղինիկ գրքուկիս՝ մի անհաճոյ թուեացի և դուզնաբեայ Յաւելուածս, զոր ՚ի միջոյ բազմախուռն և բազմահարուստ գրուատեաց հոգեկիր արանց՝ ընձեռեմք, իբրև զբրխտոսաշնորհ երկուս լումայս այրուոյն կամ երկուս դահեկանս Սամարացոյն, զերկուց աստուածախոհից ներանձնացելոց բանսմի, զհին եգիպտացի ճգնաւորին Յասյեայ, որ ՚ի Հարանց վարս՝ ՚ի Խոնարհութեանն ճառի յեռեալ կայ, և միւս՝ զմերասեռ Ս. Ներսիսի Լամբրոնացոյ, որ ՚ի մեկնութենէ ճիջ Սաղմոսի. շատ համարեալ զայս երկուս և երխս վկայս

'ի հաստատութիւն ամենահաստատ և անկարօտ բանին Քրիստոսի. « Ամենայն որ խոնարհեցուցանէ զանձն՝ բարձրացի. և որ բարձրացուցանէ զանձն՝ խոնարհեցի » . և իւրոյ ամենապահէ Մօրն, թէ՛ « Քահեայ զհօրս յաթուաոց, և բարձրացոյց զխոնարհս » :

## ՎԱՍՆ ԽՈՆԱՐՀՈՒԹԵԱՆ

Ա.

Բանք Հօրն Եսայեայ.

Սէր երկրաւոր մեծութեան և փառաց՝ ծնանի զստութիւն. իսկ խոնարհութիւն՝ ծնանի զերկիւղն Աստուծոյ 'ի սրտի: Եւ դու մի կամեսցիս սիրելի մեծամեծաց լինել և իշխանաց աշխարհի, զի մի զրկեսցիս 'ի փառացն Աստուծոյ:

\* Յորժամ կացցես յաղօթս, եթէ խոնարհութեամբ արացես, և զանձն քո անարժան համարեսցիս, ընդունելի են Աստուծոյ. իսկ եթէ ամբարտաւանիցէ սիրտ քո, և յիշեսցես զայլ ոք ծոյլ՝ և դատեսցես զնա, ընդունայն է աղօթք քո:

\* Ընդէր երանելի իցէ խոնարհն. — վասն զի ոչ ունի լեզու բամբասել զոք կամ ընդդիմանալ զրկողին իւրոյ. և ոչ աչս ունի՝ զի տեսցէ զպահասութիւն ընկերին. ունին ոչ ունի՝ զի լուիցէ զանօգուան. նա և ոչ բերան ունի՝ չարախօսել զոք կամ զեղբայր իւր, և ոչ քննել զայլոց զյանցանս, այլ միայն զմեղս իւր: Եւ խաղաղարար իցէ առ ամենեւեան, ըստ բանին Տեառն: Բայց այս իցէ իրաւացին. զի թէ պահեսցէ ոք զվեց աւուրբք, և զամենայն առաքինութիւնս կատարեսցէ, այն ամենայն առանց խոնարհութեան՝ ոչ ինչ էն և վայրապար յոյժ:

\* Որ ոք ստանայ զխոնարհութիւն՝ տեսանէ նա զմեղս իւր. և որ չողայ զհետ խոնարհութեան և ողբոց, արտաքսեն սոքա՝ ի սրտէ նորա զամենայն չար խորհուրդս, և սնուցանեն զանձն նորա ամենայն առաքինութեամբ. և ողբ ունիցին ողբք և խոնարհութիւն, ոչ ևս յաղթեսցեն զնա պատկառանք մարմնականք. այլ արհամարհանք զոր արհամարհիցի նա ի մարդկանէ՝ զէն

նորա լիցին, և սահէն զնա ՚ի սրամտութենէ և ՚ի չարի չար հատուցանելոյ. և ուսուսցէ համբերել ամենայն չարեաց: Եւ յայսց ամենայնէ ոչինչ մերձենայ ՚ի խոնարհն:

\* Անկանել առաջի Աստուծոյ գիտութեամբ, և հնազանդել պատուիրանայն՝ խոնարհութեամբ, բերէ ՚ի մարդ զսէրն Աստուծոյ և զանախտութիւն. իսկ խոնարհութիւն է համարել զանձն մեղաւոր քան զամենայն մարդ, և արհամարհել զինքն՝ իբրև թէ ոչ երբեք բարի գործեալ իցէ: Եւ գործք խոնարհութեան այս ինչ է. Լուութիւն միշտ. և ոչ պատերազմել ընդ ումեք, և ոչ ումեք հակառակել, և հնազանդել բողոքից. և ՚ի խոնարհ նայել ահամբ միշտ. և առաջի աչաց ունել միշտ զմահ. և անսուտ գող ՚ի բանս. և ոչ դիմաբանել աւագացն, և ոչ հաստատել զիւր բանն. և ունել համբերութիւն մտաց. և ատել զհանդիստն, և համբերել անարգանաց. և արթուն և զգաստ լինել. և հատանել զկամս իւր. և ոչ բարկանալ ումեք. ոչ ունել նախանձ կամ հեռ. և սարապել

զօրհանասպազ յողբս: Այս է չափ խոնարհութեան. և զի որ ստանայ զխոնարհութիւն՝ նա յանձն իւր ժողովէ զյանցանս եղբօրն, և ասէ, Ես մեղայ. իսկ որ ասեայ զեղբայրն՝ զանձն իմաստուն և արդար ասէ, և յամօթ առնէ զեղբայրն. իսկ որ զանձն պատկառէ՝ նա այլում ոչ մնասէ:

\* Մի խօսեցի լէզու. քո, այլ գործքքո. և եղիցին բանքքո խոնարհքան զգործս քո. և մի ինչ խորհեսցիս արտաքոյ մտաց. և մի վարդապետեր արտաքոյ խոնարհութեան. որպէս զի կարացէ ընդունել երկիր զսերմն քո:

\* Ոչ իցէ խօսելն իմաստուծիւն, այլ իմաստուծիւն իցէ ճանաչելն զժամանակ խօսելոյն, թէ երբ իցէ ժամ խօսելոյ. և զբանն իմաստուծեամբ լսէ և իմաստուծեամբ խօսեսցիս. և զգոյշ լէր նախ քան զխօսելն քո. և տուր պատշաճ պատասխանի. և ՚ի գիտուծեան տգէտ լէր դու, զի զերծցիս ՚ի բաղում վշտաց: Քանզի ինքն իւր բարդէ վիշտս՝ որ ցուցանէ զանձն իմաստուն. վասն այսորիկ մի պարծեսցիս ՚ի վերայ գի-

տուծեան քո. զի ոչ ոք գիտէ որպէս է է ոչ բնաւ: Եւ կատարումն ամենայնի՝ պատկառանք է. իսկ խոնարհելն քո ՚ի ներքոյ ընկերին՝ ընդ Աստուած միաւորէ զքեզ:

\* Յիշեսցուք, եղբարք, զսյն՝ որ ոչ ունէր ուր դնէր զգլուխ իւր. և ՚ի միտ առցես, եղբայր, և մի բարձրամտեսցես. տէս, թէ ո՞վ էր, և կամ զինչ եղև վասն քո. թագաւոր էր, և եղև օտար և պանդուխտ վասն քո: Ո՞վ անպատմելի մարդասիրութեան քո, Տէր. ընդէր այդպէս խոնարհեցար յաղագս մեղուցեալ ծառայիցս, մինչ զի արարիչդ ամենայնի ոչ ունէիր ուր զգլուխդ դիցես. իսկ մէք ասերախոքս և ամենայն նուաստ և անարգ խոնարհութեան արժանիքս՝ մեծութեան և պատուոյ ցանկամբ անցաւորիս: Արդ ընդէր շփութեալ էս, ո՞վ եղիւ ընդ մարդ, և զինչս ժողովես. և ընդէր կուրացեալ էս անառակութեամբ. և կամ ընդէր հետուեալ էս պատրանաց կենցաղոյս. և ընդէր ոչ ստանաս զհանդերձեալ բարիսն: — Արդ զայս ամենայն քննեսցես, և զլաւագոյնսն ընտրեսցես:

## Ս. Ներսիսի Լամբրոնացւոյ ասացեալ.

« Երանի՛ որ ելից զցանկուծիւն իւր 'ի նոցանէն »: Աչ այլ ինչ իմանամ զըրուամն ցանկուծեանն, ուստի և երանուծիւն, բայց միայն զզղջումն և զիտնարհուծիւնն: Չի յորժամ ետես՝ թէ այս նետիւքս խոցոտին թշնամիքն (դէք), ապա բաղձայ և ասէ. Երանի՛ որ ժամանեալ էր՝ ի կատարեալ չափ խոնարհուծեանն, և լցեալ զցանկուծիւն իւր 'ի զղջմանէ և յապաշխարուծեանէ: Եւ ո՞ր է կատարեալ չափ խոնարհուծեանն. — Մահուչափ հնազանդուծիւնն, զոր արար Քրիստոս և ուսոյց մեզ. և է դժժուարաստանալի քան զամենայն առաքինուծիւն. որպէս քննեցին հարքն և գրեցին: Վասն այնր առեալ զանախտուծիւնն և զսրտի սրբուծիւնն, և գայթակղեալ նոքօք՝ փափագէ և ցանկայ խոնարհուծեանն՝ որ անսայթաքելի է

ճանապարհ. և ասէ. Երանի՛ որ ելից զցանկուծիւն իւր 'ի պէսպէս մասանց խոնարհուծեանն: Նախ, արհամարհել զանձն. յետ այնր՝ հնազանդել այլոց ապա, ոչ զկամս նախամեծար առնել. և այլ բազում մասունք խոնարհուծեանն. զոր թէ ստանայ անախտ սիրտն և անցան, ոչ ամաչէ յորժամ խօսին թըշնամիք դէքն 'ի գրունս մտացն՝ զչար խորհուրդսն: Չի նոքա ստիպեն յամբարտաւանուծիւն, և նա խոնարհուծեամբն մըցի և անկործան մնայ. ապա թէ չունիցի զայս՝ 'ի խօսից նոցա պարտի, և յինքնահաճուծիւնն գայթակղի, և կործանեալ ըստ թոյլ տալոյն Աստուծոյ, վերստին 'ի մօրմնական ախտս, անբերելի տիրէ նմա ամօթ յԱստուծոյ. զի ճաշակեաց յերկնաւոր պարգևացն, և հաղորդս եղև Հոգւոյն Սրբոյ, և զզօրուծիւն հանգերձեալ աշխարհին իմացեալ, և գտաւ վերստին ընդ մարմնական ախտս շաղախեալ. քան զոր չէր ինչ ամօթոյ և աղետից արժանի:

Զայս ծանուցեալ մեր՝ աղաղակեցուք առ Քրիստոս. Բարի է ինձ՝ զի

խոնարհ արարեր զիս, որպէս ուսայց զիրաւունս արդարութե քո. և բուռն հարցուք զկատարեալ և զճայրագոյն աշտիճանէն բարձրութեանն, զխոնարհութենէ. որպէս ասաց Սուրբն 'ի Հարս (Սբբայն Մովսէս). « Որ խոնարհի՛ խոնարհեցուցանէ զգևս. և որ ոչ խոնարհի՛ խոնարհի՛ 'ի դիւայց »: Զի յամենայն առաքինութեանց յեղանակս կարեն նոքա գամագիծ գտանել, բայց յայսմանէ. որպէս և ասէր ինքն բանսարկուն առ Մակար. Ո՛վ Մակար, ասէ, պահէք դուք, իսկ ես բնաւ ոչ ուտեմ. հսկէք, ես հանապազ արթուն եմ. բայց մի ինչ է որով պարտեք զիս, Խոնարհութեամբ ձերով:


Բայց դու ինչ խոնարհութիւն զայն իմա՛ ըստ կարգի՛ որ յետ սրբութեան սրտի է և անախտութեան մարմնոյ. զի ընկզմեւոյն յախտ՝ դիւրաւ է խոնարհութիւնն և դժուարին սրբութիւնն. իսկ՛ի սրբութե անախտութեան նաւահանգիստն ժամանեւոց և զխոնարհութենէ բուռն հարեւոց, աշտիճան է կատարեալ և անուանի. ըստ որում և


ասէ սոյն մարգարէ. « Զսիրտ սուրբ և զհոգի խոնարհ՛ Սատուած ոչ արհամարհէ »: Զի որիչ սոքա 'ի միմեանց՝ թերիք են և դիւրինք. իսկ 'ի միասին եկեալ սրբութիւնն և խոնարհութիւնն՝ տեղի հանգստեան է աստուածութեանն և անուանի. ըստ այնմ. « Ես յո՞ հանդեայց՝ եթէ ոչ՛ի հեղս և 'ի խոնարհս, և ոչք դողան 'ի բանից իմոց »:

Որ և զմեզ ընկալցի սրբութեամբ և խոնարհութեամբ՝ յաթող փառաց իւրոց. և նմա փառք յաւիտեանս. ամէն:

ԱՍՏՈՒԾ ՄԵՐ Ի ԲԱՐՁՈՒՆՍ ԲՆԱԿԵԱԼ,  
ԵՒ ԶԻՈՆԱՐՀՍ ՏԵՍԱՆԷ ՅԵՐԿԻՆՍ ԵՒ  
ՅԵՐԿՐԻ: — Սաղմ. ՃԻՆՆԱՆԻ









2m

0014988

2015

2001

« Ազգային գրադարան



NL0014988

